


MODIMO A ITSEBIŠA YENA MONG KA DIMELO TŠA GAGWE

 Ke be ke noba ke maketše go bona mogwera wa ka, Joseph Boze, fale, gomme ka retologa gomme ka tšea e nnyane go nako go swara seatla sa gagwe.

² A re buleng bjale ka Lentšung la Modimo, go Bahebere, tema ya 1. Ke nyaka go bala, go seripana, ya 1, 2, le 3 temana, gore go tšea sehlogo go bošego bjo.

Modimo, yoo mehleng ya kgale le ka mekgwa ye mentši a boletšego dinakong tša go feta go botate ka baporofeta.

Mo matšatšing a bofelo a bolela le rena ka Morwa wa gagwe, yoo yena a mo kgethetšego mojalefa wa dilo ka moka, ka yena gape o dirile mafase;

Yoo a lego ka phadimo ya letago la gagwe, le seswantšho tiišetšo sa bomotho bja gagwe, gomme a hlomile dilo ka moka ka lentšu la maatla a gagwe, yena ge a . . . dutše fase mo letsogong le letona la Borena kua godimo;

³ A re obamišeng dihlogo tša rena bjale go rapela. Gomme bjale ka mo Bogoneng bjo Bokgethwa bja Gagwe, ge le na le kgopelo efe kapa efe yeo le ka ratago e ka tsebja go Yena, a le ka no emiša seatla sa lena, gomme yeo ke kgopelo ya lena, gore Modimo a . . .

⁴ Tatawešu wa Magodimong, re tla bjale godimo pele ga terone ya Gago, ka tumelo mo Leineng la Jesu Kriste, Morwa wa Gago. Gomme re filwe tiišetšo ye, gore, “Ge re kgopela se sengwe le se sengwe Leineng la Gagwe, se tla fiwa.” Gomme Wena o tseba dikganyogo tša rena le ditlhoko tša rena, gomme Wena o tshepišitše gore O tla re fa ka moka tšeo re di hlokago. Fao, Tate, re tla rapela bjalo ka ge O re rutile, “Mmušo wa Gago a o tle. Thato ya gago e dirwe ka lefaseng, bjalo ka ge e direga ka Legodimong.” Gore kgopelo ya rena, bošegong bjo, e be go ya ka tumo ya Gago go e fa, gomme re fe menyetla ye. Tlotša Lentšu, Morena, le diboledi ka moka le batheetšiši, gomme a Moya wo Mokgethwa o tle ka gare gomme e be modiri wa Lentšu, bošegong bjo, magareng ga rena. Gobane re e kgopela mo Leineng la Gagwe. Amene.

Le ka dula.

⁵ Gosasa mesong, ke a kwešiša, ke difihlolo tša Full Gospel Business Men. Ka tlwaelo, moo ba nago le kgaolo, ke na le

monyetla wa go bolela difihlolong tša bona. Go fihla nako ye, ke mokgatlo o nnoši, e sego wona mokgatlo, eupša, sehlopha se nnoši seo ke—ke lego wa sona, ke Christian Business Men. Gomme bjale ke no ba bolelela, lefasepharephare.

⁶ Bjale, bošegong bjo, re a tshepa gore kopano ye e ka se be ya lefeela. Ke tlile go lena, ke lapile, mogolo o a babaela, gomme ke hweditše bolwetši bja megolo go tšwa go . . .

⁷ Ke tšwa Tucson mo ka kgonthe go lokilego le go oma, gomme ke tla mo gomme ka kgonthe go lokile le go koloba, ka fao e tloga e le kganetšano. Ge ka moka le ka hwetša meetse ka moka mo, ge le ka no a romela ka kua tseleng ya rena, re ka thakgalela seo. Eupša le ka se kgone go dira seo, ka nnete.

⁸ Eupša ke le botša selo se tee, go na le seswantšho mola. Ka moka tša rena—rena—rena dilo ka Arizona, mehlare ya rena, e tletše ka diloka. Sengwe le sengwe se na le seloka. Ke ka baka la gore go omile. Bjale ge nkabe sona sethokgwa se se swanago se medile ka mono, e be e tla ba lehlare le lebotse la go ratega. Le a bona, e hloka meetse, ke ka baka leo e fetogago seloka.

⁹ Gomme ge kereke e thoma go hloka Meetse a Bophelo, e a omelela gomme ya hlaba, le yona, e hlaba e betha ka matswele sengwe le sengwe. Eupša fao meetse a Bophelo a elago, a bula letlakala gomme a le dira le boleta, le lenanana le bose, le lekgethwa le go amogelega go Modimo. Ka fao a nke Morena Modimo a re nošetše, bošegong bjo, gore re se be diloka; eupša re be matlakala ao a lokilego gore batho bao ba arogilego ba dule fase ka tlase ga mohlare wa morithi wa rena gomme ba hwetše khutšo ya disoulo tša bona.

¹⁰ Bjale ke nyaka go tšea sehlogo, bošegong bjo, ge Morena a rata, gomme ke goga segogamantšú se sennyane se go no batamela ka mo nka kgonago, ka baka la go hloka lentšú. Ke nyaka go, go tšwa go baleng mo ka go Baheberel:1, ke nyaka go tšea sehlogo sa: *Modimo A Itsebiša Yena Mong Ka Dimelo Tša Gagwe*. A nke ke bušetše yeo gape, ka gore ke a tseba gore medumo ye ga e gabotse mo. Modimo o itsebiša ka Boyenamong ka dimelo tša Gagwe.

¹¹ Bjale, gantši sengwe le sengwe se tsebja ka dimelo tša sona. Gomme ke na le Mangwalo a se makae mo ao ke ratago . . .le noute, ao ke ratago go lebelela go ona. Bjale, semelo sa sengwe le sengwe se tsebiša se selo seo se lego sona.

¹² Bjale, go swana le mo tthagong ka moka, matšoba a tsebja, dinakong tše ntši, ka semelo sa wona. Ge a batamelane mmogo, mohuta wo motee go wo mongwe, semelo sa letšoba leo se tla tsebagatša gore letšoba leo ke eng. Le ka go diphoofolo tša lešoka, dinako tše ntši . . .

¹³ Ke, ke nna motsomi. Gomme o swanetše go tseba semelo sa phoofolo ye o e tsomago, goba dinako tše dingwe o ka forwa e le ruri. Mohlala, go swana le Nku ya Leswika tsela godimo ka

British Columbia. Ke be ke no ba ka tlase ga Yukon marega a go feta, banabešu ba se bakae bjale mo ba be ba na le nna, gomme re be re tsoama.

¹⁴ Bjale ge o be o sa tsebe phapano, ge o be o lota mohlala wa nku goba tshepe, o ka se bone phapano ge feela o se lerema. Ka gore, di dira mohuta wa mehlala ya go swana; di a fata ge di tšhaba. Gomme ka gona ge o bona e tee e emetše kgojana, ka hlogo ya yona e utilwe, ka baka la eng, o—o ka se kgone go tseba phapano. Di nyakile go lekana ka saese go kgabaganya karolo ya moseleng; ke ye tšhweu, go no swana le tshepe. Go tla ba mo go thata kudu go di bolela. Eupša dinaka tša yona di tsebagatša semelo sa gagwe, ka tšona dinaka. Nku e na le lenaka la go rarela, gomme tshepe e na le dintotsobidi tša go tšwela ntle. Gomme selo se sengwe, tshepe e ka se namele godimodimo, go fula.

¹⁵ Gomme bjale pudi, e sepela, gape, go na le semelo ka go pudi, le nku, gore o swanetše o tsebe phapano magareng ga tšona, ge o be o le godimo kua, ka gore bobedi di dula godimo ka thabeng. O swanetše o tsebe phapano. Eupša ge o hlokomela, pu—pudi e a ithaga ge a sepela; mola, nku e dudiša leoto la yona fase ka tsela *ye*, ge e sepela. Semelo sa ka mokgwa woo e dirago mohlala wa yona. O tseba phoofolo ya gago ka dimelo tša seo e se dirago, le ka moo e diragatšago, le ka seo e se jago, le se sengwe le se sengwe. E itsebiša yona ka semelo sa yona. Gomme ka gona o tshela e tee, gomme hlokomela seo se se dirago, o ka bolela ka tsela yeo di yago. O ka bolela ka semelo sa phoofolo yeo e fapanego.

¹⁶ Ka gona a o kile wa lemoga, ga ke tsebe ge eba le na le tšona mo goba aowa, ponyane; gabotse, leina la nnete la tšona ke thaga, le masehlaneng. Masehlaneng e nyakile go lekana thwi le thaga. Gomme ge o ka di bona bobedi di fofa, ka moka e nyakile go ba mohuta o tee wa nonyana. Ge o ka se bone mmala, eupša e no di lebeledišiša, o ka bolela yeo e le ponyana. Masehlaneng e fofa, bogolo goba bonnyane, ka tsela ya nosi. Eupša ponyane, e bethantšha diphego; ge e phurulla diphego tša yona, e ya fase gomme ya ya godimo, fase gomme ya ya godimo. Le a bona, e itira sekgoboko ka boyona, ka tsela *yela*, gomme o ka bolela gore sela ke semelo sa ponyane, ka mokgwa woo e fofago.

¹⁷ Ge le ka hlokomela se—se sekhwiri ge se tšwela ntle, ka tsela yeo e tloga godimo. Gomme lebeledišiša ge eba o ka sererobjeng, moo sekhwiri se ka bago gona, le se—se senaepe. Lena batsomi le tseba seo. Wilson senaepe le jacksenaepe, di itsebagatša ka mokgwa woo di tšwelago ntle la ka tsela yeo di yago. Di tsebagatša ka dimelo tša tšona ka mo di fofago, gore ke mohuta mang wa nonyana di lego wona. Ka fao, ge o nno di kwa, o kgona go no bolela se e bego e le sona, ka tsela ye e yago ntle, se a lego sona, ka semelo sa go fofa ga gagwe.

¹⁸ Go swana le monna le mosadi. Bobedi ke batho, eupša mossadi o na le dimelo tša go fapana le monna. Ke be ke bala

mo, nakong ye nngwe e fetilego, ka Solomone le mohumagadi. Ga se ka be ka rarela go rera Molaetša wa ka wo monnyane mo, go lena, ka mohumagadi wa Borwa, a etla godimo go Solomone, gomme a bona mpho yela ya go farologantšha. Ke be ke bala ka seo, mo e se kgale go fetile, gomme ba boletše, gore, “Bjo botee bja mararankodi ao a beilwego pele ga Solomone, e bile, mohumagadi yo o tšere mosadi, goba basadi, gabotse, gomme a ba apeša bjalo ka banna.”

¹⁹ Bjale, seo se be se sa tsebjje letšatši leo, eupša seo se sepela le mabaka, lehono. Gomme—gomme le a tseba seo ke phošo. Beibele e rile mosadi a se dire seo. “Ke makgapha go mosadi go apara diaparo tša go sepelelana le monna.” Gomme Modimo wa go se fetoge o boletše seo, ka fao seo ke therešo.

²⁰ Ka fao re hwetše gore Solomone, a se a ba lebelela kudu, a ba dira gore be sepele goba ba dire se sengwe, gomme ka pejanyana a re, “Ke basadi.” Le a bona, o kgonne go bolela ka semelo sa mosadi yoo, ka mokgwa woo a itshwarago ka gona, gore ke yena mosadi gomme ga se monna.

²¹ Gomme ka gona bontši bja dilo di ka tsela yeo, ka dimelo tša sona. Go no swana le batho ba bantši ke ba seatla sa mpogošo, le seatla sa go ja. Ba ba le semelo ka mokgwa wo ba itshwarago ka gona. O ka kgonna go bolela ge ele motho wa sa go ja goba seatla sa mpogošo, ka mokgwa wo ba itshwarago ka bobona, ka tsela ye ba oboletšago ka mehla ka seatla seo sa mpogošo goba seatla sa go ja.

Gomme gopola, Jesu o bile le se sengwe sa go swana le seo, seo . . .

²² Matsogo a mabedi a nyakile . . . A a swana. A na le megatelelo ya monwana wo mogolo ya mohuta wa go swana, megatelelo menwana, menwana ye mehllano; wo monnyane, wa gare, le go ya pele. Go swana le ge seatla sa go ja le seatla sa mpogošo di na le menwana ya mohuta ya go swana, ka setlwaedi, seatla sa saese ya go lekana, tlwa. Gomme phapano e tee yeo e lego gona, mo go tšona, se setee ke mpogošo gomme se sengwe ke sa go ja. Yeo ke phapano e nnoši o ka e bolelago. Setee ke mpogošo, se sengwe ke sa go ja.

²³ Ka fao ka gona ka mo, Jesu o rile . . . Nka lahlela ntlhana ye nnyane mo. Jesu o rile, ka go Mateo 24, gore, “Dimelo tša Moya di tla batamelana go swana mo matšatšing a bofelo, kgauswi kudu moo di ka forago le bona bahlaolwa ge go ka be go kgonagala.” Le a bona, ba ka be ba tla no . . .

²⁴ O tšea seatla sa gago gomme wa no se emišetša godimo. Le a bona, ge o sa hlokomele, se setee sa tšona se swana le se sengwe, ka tsela ye nngwe le ye nngwe, eupša se setee sa tšona ke mpogošo gomme se setee se sengwe ke sa go ja.

²⁵ Ke ka tsela yeo meoya e lego ka gona mo matšatšing a bofelo. E nyakile e swana, eupša e na le semelo seo se e tsebišago. Wo

motee o lokile, gomme wo monngwe o phošagetše, gomme e ka tsebalega ka semelo sa yona.

²⁶ Moya wa Modimo o ka tsebja ka semelo sa Wona. Le a bona? Moya wa Modimo, le moya wa kereke. Go na le moya wa kereke, gomme le Moya wa Modimo woo ka kgonthe o sa swanego le moya wa kereke, le gannyane.

Go na le moya wa kereke ya leina.

²⁷ Go na le moya wa bosetšhaba. Go na le moya wa setšhaba. Setšhaba se sengwe le se sengwe, ge ke tsena go sona, o tsena ka moo, o hwetša moya wa go fapana. Ke ile ka Finland, batho ba go loka, eupša go be go na le moya wa Bofinish. Ke ya fase Jeremane, moo go na le moya wa Bojeremane.

²⁸ Mo e se kgale kudu, ke be ke sepela le mohumagadi, ge re be re sa dula ka Indiana, mengwaga e se mekae ya go feta, kua lebenkengkoparara le lennyane. Ke be ke sa tšwa go bowa gae. Re be re swanetše go hwetša dijo tše dingwe. Gomme mo tseleng ya ka go ya gona kua, ra . . . E be e le nako ya selemo, o ka no se kgolwe se, eupša re hweditše mohumagadi a apere roko. Gomme seo se be se sa tlwaelega, nna . . . Seo sa ntšhoša. Ka—ka re, “Lebelela kua, seo se bonala e se setlwaedi, gore mosadi a apare roko.” Ka moka ga bona ba be ba apare diaparo tšeo di sa . . . di sa amogelegego go mosadi. Gomme—gomme mosadi a re . . . ka re, “Go lokile, seo e no ba moya wa Amerika, le a bona, moya wa Amerika.”

²⁹ Bjale, moya wa Amerika, e no ba . . . e be e swanetše go ba setšhaba sa Bokriste, eupša moya wa setšhaba se ga se wa Bokriste. Se ka no bitšwa setšhaba sa Bokriste, eupša se dimaele tše dimilione go tloga go seo, ka semelo. Ka fao, mosadi yo, ka re . . .

Mosadi a re, “Go lokile, a ga se rena Maamerika?”

³⁰ Ka re, ka re, “Aowa. Re phela mo. Ye ke naga ya gabo rena. Re—re—re dula ka go yona. Re a e rata. Ke setšhaba se sekaonekaone mo lefaseng. Eupša, le ge go le bjalo, ga se rena Maamerika.” Ka re, “Re tswetšwe go tšwa Godimo. Moya wo Mokgethwa o tlile fase, gomme re ba Mmušo. Ga se wa lefase le.” Ka re, “Ke ka lebaka leo bokgaetšedi ba rena ba apara diroko, ba rua moriri wo motelele, ga ba ipente difahlego. Le a bona, dimelo tša bona di ba tsebagatša e le ‘bakgethwa ba Morena,’ go tšwa Godimo.”

³¹ Ka fao, re nyaka Mmušo. Re nyaka Kgoši go tla gomme a amogele balatedi ba Gagwe go Mmušo wa Gagwe. Gomme ba tsebagatšwa ka tša—tša bona dimelo, gore lefa la bona ga se la lefase le goba setšhaba se. Ke la godimo, ka Letagong. Ka fao, bona, “Ba lebelela Motse woo Moagi wa Wona le Modiri e lego Modimo.” Ba tsebagatšwa ka bokgwari.

³² Ke duma nka be ke na le lentšu le le lekanetšego go ka le rerela bošego bjo bongwe. Eupša ke—ke a tšwa go seo. Bjale, go tsebagatšwa ka dimelo tša sona.

³³ Re hwetša mohlala wo mokaone mo nakong ya Israele, e etla ka gare ga naga ya tshepišo. Gomme Modimo o ba biditye go ya ka tshepišo ya Gagwe. O boditye Abraham gore, o tla, “Peu ya gagwe e tla ba setšhabeng se šele, lebaka la mengwaga ye makgolonne, gomme ka gona O tla mo lokolla ka seatla sa gagwe se segolo se se maatla. Gomme ba tla ya go naga, ka gona, ya tshepišo, e ela maswi le dinosi.” Gomme bjale ge nako ya tshepišo e batamela kgauswi, gwa tla Fa—Farao yo a bego a sa lemoge bodiredi bjo bogolo bja Josefa bjoo a bilego le bjona magareng ga bona.

³⁴ Gomme, se, Modimo a tsošetša godimo moporofeta a bitšwago Moshe. Gomme monna yo o be a rutilwe go bohlale ka moka bja Baegepeta. Ga go gonontšhe eupša e be e le monna yo mogolo, sehlalefi, monna wa tlhaologanyo, ka gore o be a kgona go ruta Baegepeta bohlale. Go be go bonala o ka re ke yo a swanelago—monna wa maswanedi go ba lokolla.

³⁵ Eupša, le a bona, seo re se bitšago khunologo, le seo Modimo a se bitšago khunologo, go na le phapano.

³⁶ Bjale lebelela monna yo le maitshwaro a mabotse a gagwe. O tsebile gore o belegetšwe go lokolla bana ba Israele. Le ge go le bjalo, le thuto ya gagwe ka moka, yeo ke ka moka a bego a tseba ka ga yona, gomme a tseba le gore o biditye ke Modimo go dira mošomo, o be a na le ka moka tša gagwe. . . O be a na le Grata ya Bokgabo ya gagwe, le ya Ph.D., le LL.D., le go ya pele. Gomme a tšwela ntle go lokolla Israele, gomme ya ba yoo a palelwago moka.

³⁷ Bjale hlokomelang, go be go bonagala o ka re, yena a na le leoto la gagwe mo teroneng kua Egepeta, go tla go ba Farao, gore o be a ka kgona go lokolla bana ba Israele morago ga go ba Farao, ka gore e be e le yena wa go latela mo mothalong wa—wa terone. Eupša, le a bona, seo, go direng seo ka mokgwa woo, go be go ka se tsebagatše semelo sa Modimo mo go lokolleng batho ba Gagwe.

³⁸ O rile O tla ba lokolla. O tla “ba lokolla ka seatla se maatla,” e sego Moshe ka madira a maatla, eupša Modimo ka seatla se maatla.

³⁹ Re hwetša gore moporofeta yo o ile a tšhaba gomme a ba lešokeng mengwaga ye masomenne. Go tšere Farao mengwaga ye masomenne go kokotela thuto ka gare ga gagwe, gomme go tšere Modimo mengwaga ye masomenne go kokotollela thuto ka ntle ga gagwe. Ka fao re hwetša, letšatši le lengwe, gore a le, ka kua morago ga leganata, a kopana le Morena Modimo ka sethokgweng seo se tukago, a le ka lebopo la Pilara ya Mollo e letše ka sethokgweng. Gomme o ile a kgopelwa go rola dieta tša

gagwe, gore, lefelo leo a bego a eme go lona e be e le le lekgethwa. Bjale lebelelang yo mokaone yo, setswerere, monna wa serutegi, seo a bilego sona, bonang phetogo ya dimelo tša gagwe morago ga go kopana le Modimo. O direle se segologolo kudu. . .

⁴⁰ Dinako tše dingwe Modimo o dira dilo ka tsela ye bonolo, gomme tsela ya botlaejana, go tsela ya go nagana senama. Hlokomelang monna yoo a bego a paletšwe moka; mmogo le madiira ka moka a Egepeta le dilo tšohle go mo dikologa go dira thato ya Modimo, le thuto ya gagwe ka moka, a le bogolo bja mengwaga ye masomenne, a le mo ntlhoraneng ya gagwe. Mo o na le, mengwaga ye masomeseswai, mosong wo o latelago, mmogo le mosadi wa gagwe a dutše ka go akalala godimo ga mmoula, mmogo le yo monnyane mo nokeng ya gagwe, gomme lepara le le ka seatleng sa gagwe, a e ya fase kua Egepeta, go yo thopa. O bolela ka ponagalo ya go nyatšega! Eupša seo se be se bonagatša semelo sa Modimo, ka gore O be a na le monna yoo a ka kgolwago Lentšu la Gagwe. Ke pheto. Taba ya gona e bile, a o ka eleletša tlaselo ka monna o tee a e ya Egepeta, moo, madiira a paletšwego? Eupša seo e be e ele eng? Semelo sa gagwe, tsela ya gagwe ya go dira dilo ya fetoga. O be a e ya mo Leineng la Morena, “KE NNA YO A LEGO GONA.” Taba ya gona e bile, o thophile. O dirile, ka gore o be a eya mo Maatleng a Morena.

⁴¹ Mo tseleng ya gagwe, a etile pele Israele go tšwa go ya nageng ya tshepišo, o ile a kopana le ngwanabo, ngwanabo wa kereke ya leina, Moaba. Bjale, Moaba, go sa tshwenyega, e be e le bahetene. E be e le bana ba morwedi wa Loto. Yo mongwe wa bana ba gagwe o be—be a tsupulotše Moaba.

⁴² Bjale, godimo kua, ke nyaka le hlokomeleng ditšhaba tše pedi tše, ka go thulana. Mo go be go le Egepeta, ye nnyane, e phatlalotše gohle, go se setšhaba moo e ka yago gona, go se na le balaodi goba kgoši, goba go se selo, goba bahlomphegi ba ba itšego magareng ga bona, e no ba batho ba le tseleng ya go ya nageng ya tshepišo. Gomme fa ba swanetše go putla naga ya Moaba. Seo se be se le thwi mothalong wa tshepišo.

⁴³ Gomme Moaba, le bona, ba be ba le badumedi go Jehofa, gomme ba na le moporofeta. Gomme Israele e be e na le moporofeta. Bobedi mmogo ba na le baporofeta.

⁴⁴ Gomme bjale hlokomelang, ba fihlile mo lefelong moo moporofeta wa setšhaba seo se ipopilego a tla fase go tlo roga setšhaba se se sengwe, ka gore e be e no ba bagolomi, a sena lefelo leo a ka dulago go lona. Ka fao ba theoga ba tla.

Gomme ba lebelela baporofeta ba babedi bale: Ge e etla mo re bolelago ka motheo, bobedi mmogo ba be ba e swere thwi. Ka gore, hlokomelang, Biliama, mopišopo, o ba boditše, “Bjale le nkagela dialetara tše šupa.”

45 Šupa ke palo ya Modimo ya go felela, e emetše Mabaka a Diphuthego tše Šupago, matšatši a šupago a tlholo, le bjaloobjalo. Bjale hlokomelang, šupa, Modimo o felela ka šupa.

46 “Dialetara tše šupago, gomme go aletara ye nngwe le ye nngwe o bea po—powana.” Bjale seo ke aletara ya go swana thwi le yeo ba bego ba na le yona tlase kampeng ya Israele. Kua fase ka Israele, le aletara ye e swanago le ye ba nago le yona godimo mo; le sehlabelo sa go swana, powana le powana; moporofeta le moporofeta. Ditšhaba tše pedi, di thulana.

47 Mohlala wo o phethagetšego wa letšatši le re phelago, ge re ka be re na le nako go ya ka go yona! Hlokomelang Modimo a dira se ka seswantšho, gore re tla hwetša, go go bapela.

48 Bjale, gape, Biliama o nyakile kgapa go aletara ye nngwe le ye nngwe. Seo se be se bolela ka tumelo ya gagwe go Mesia yo a tlogo. Kgapa, nku ye tona, ke sehlabelo sa go swana le seo Israele e nago le sona kua fase; fase ka kampeng ya Israele, godimo mo ka—go Moaba. Motheong, bobedi ba be ba nepile, eupša, hlokomelang, motheong ka thuto.

49 Eupša moporofeta o tee fase kampeng ya Israele o be a na le dimelo tša Modimo le Lentšu la Modimo. O dutše le tshepišo ya Modimo ya lebaka leo, ka gore o be a le mothalong go ya nageng ya tshepišo. Le a bona?

50 Bjale, ge go iwa feela ka karolo ya motheo, Biliama, Balaka o be a ka tsebagatšwa bjalo ka ge Moshe a be a le.

51 Eupša, le a bona, Moshe, a le moporofeta wa kgonthe wa Modimo, o be a sa no ba le dikarolo tša motheo feela, eupša o be a na le boitsebišo bja Modimo. Le a bona, o be a le mothalong wa mošomo, tlwa seo se bego se tshepišitšwe lebaka leo; e sego lebaka la Noage, eupša go lebaka la nako yeo. “Ke tla le iša go naga yeo e elago ka maswi le dinosi.” Ba be ba le mo tseleng ya bona, gomme Israele e tsebagaditšwe ka moporofeta wa yona, Moshe, ka Molaetša wa lebaka leo. Dimelo tša Modimo di tsebagatšwa ka go Moshe. Pilara ya Mollo e be e mo šetše morago. Gape o be a na le poelano mo tiragalong; e sego go bolela ka yona, eupša a na le yona mo tiragalong. E sego seo se tla bago gona; seo se lego gona thwi bjale!

52 Hlokomelang, o be a na le noga ya mphiri yeo e ilego ya fegwa godimo ka lebaka la mefokolo le malwetši a batho, ka gona Moshe o be a diragatša Phodišokgethwa. O be a na le poelano, noga ya mphiri e laetšago gore Modimo o be a le ka kampeng, gomme batho ba be ba lebelela noga yeo ya mphiri gomme ba fodišwa.

53 Gape o be a na le Leswika leo le tlapirigantšwego le mo šetše morago. Gomme seo se be se tsebagatša Modimo, go boloka Meetse a Bophelo magareng ga bona, lethabo le phološo, gore ba ka se senyege empa ba na le Bophelo bjo bo sa felego. E be e le

seswantšho sa . . . Leswika leo le tlapirigantšwego mo lešokeng e be e le seswantšho sa Kriste yoo a tlapirigantšwego.

⁵⁴ Nako yeo, ba be ba sepela mothalong wa tshepišo. Seo e be e le boitsebišo bjo bongwe, go laetšeng semelo sa Modimo. Ga go tshwenyega gore se sengwe seo se be se na le motheo bokgole bjo bokae le Lentšu; o be a na le motheo, go hlakanya le boitsebišo, gomme semelo sa Modimo se le magareng ga bona. Modimo a itsebagatša Mong. Baporofeta ba babedi, bobedi bja bona e le baporofeta, gomme bobedi ba le go motheo; eupša Modimo a tsebagatša dimelo tša Gagwe ka mo go Moshe, ka gore o be a na le dimelo tša Modimo mo go yena.

⁵⁵ Bjale, gape, dimelo tša Modimo ka mehla di ka godimo ga tlhago, ka gore Yena o ka godimo ga tlhago. Modimo o ka godimo ga tlhago. Seo ga se se tlwaelege, ka mehla, go mokgwa wa sebjalebja wa go nagana wa lehono. Le a se tseba seo. Modimo ka mehla o nyatšiša tshepedišotlwaelo, go—go dihlopha tša bodumedi mo lebakeng le lengwe le lengwe leo le ilego la feta.

⁵⁶ Gomme ga se gwa ke le gatee moo motho goba sehlopha sa batho seo se ikgobokantšego mmogo godimo ga molaetša eupša ba ile ba hwa gomme ba ya šelefong gomme ba se hlwe ba tsoga gape. Ga go na histori. Maluther, Mapresbyterian, Mamethodist, Mabaptist, Mapentecostal, le go ya pele, ga senke ba tsoga gape, ge ba eya go dira Seo sehlopha.

Modimo o šoma ka motho ka motho.

⁵⁷ Hlokomelang, Yena ga se a tlwaelega go mokgwa wa go nagana. Le a bona, re a timela ka go motlwae, gomme re swanetše go E dumela ka tsela *ye*. Gomme ka gona Modimo o tla go retologa ka Lentšu la Gagwe leo Yena a le tshepišitšego, gomme a itsebagatša Mong ka Lentšung leo. Seo sehlopha *se* se ka se ye go Lona, ka gore ga se dumele go Lona. Le a bona, se šetše se ithipile go tloga go Lona.

⁵⁸ Go swana le Josefa, e be e le morwa wa Dafida, le monna wa go loka, Josefa monna wa Maria. O be a le monna wa go loka, gomme ga go belaetše o badile Beibele, disekrolo, kgafetšakgafetša, ka gore . . . gomme o be a lebeletše gore Mesia a tle, gomme o be a swanetše a tsebile seo Lengwalo le rilego se tla direga. Jesaya o rile, “Kgarebe e tla ima.”

⁵⁹ Go lokile, bjale, o be a sepela le mosetsana yo moswa yo, Maria, mohlomongwe a na le mengwaga ye lesomeseswai, gomme yena mohlomongwe e be e le yo mogolo kudu. Gomme ge ba be ba beeditše go nyalana, o laetša go ba mme. Bjale seo e be tloga e le boima go Josefa go iketla go seo. Ntle le go kamaka eupša se Maria o mmoditšego ka ketelo ya Gabriele. Eupša re lemoga, ka tsela yeo semelo sa gagwe se bego se mo hlahla, o ile a e belaela.

⁶⁰ Bjale o ile a hwetša a swanetše go ba mme pele ba ka nyala. Gomme, ka Beibeleng, kotlo yeo ke lehu, ka go kgatlwa ka maswika. Mosadi wa go se nyalwe a eba mme, o swanetše go

kgatlwa ka maswika. Go be go se go gweba ka mmele mo Israele. E be e ntšhetšwa ntle. Bjale re hwetša, go tšwa go Doiteronomio, e re botša seo.

⁶¹ Bjale re hwetša gore, Maria, go bonagetše o ka re o a leka go šomiša Josefa go ba seširedi sa tiro ye nngwe yeo a e dirilego. Ka gore, ge a hweditšwe a le go ba mme pele ba nyalana, gona o swanetše go kgotlwa ka maswika, gomme o swanetše a be le yo mongwe bjalo a ka emago e le seširedi go yena. Gomme seo se bonagetše, go dilo tšohle, o ka re ke seo a bego a leka go se dira.

⁶² Eupša Josefa a lebeletše ka gare ga mahlo a gagwe a magolo a mabotsana, gomme o be a tla re, “Josefa, Gabariele o rile go nna, ‘Moya wo Mokgethwa o tla go okamela wa morithi, gomme Selo se se se tlogo go ingwa ka go—ka go wena ke sa Moya wo Mokgethwa. Ke Modimo. Ke seo se ya go bitšwa, ‘Morwa wa Modimo.’”” Gomme, Josefa, o—o be a nyaka go kgolwa seo, eupša se be se se sa tlwaelega. Seo ga se nke se direga pele.

⁶³ Gomme e no ba tsela lehono. Ge feela re ka. . . Ge nkabe ke na le mokgwa wo mongwe wa go fihlelela batho go bona gore go se tlwaelege ga se sengwe le se sengwe, ge se tsebagatšwa ke Lentšu, gona dimelo tša sona di netefatša seo e lego sona. Ke Modimo mo tirong.

⁶⁴ Josefa o be a swanetše go tseba se. O be a swanetše a tsebile, “Kgarebe e tla ima.” Eupša o be a botegile ka seo. O be a sa rate go mo tlogela, sephiring, eupša o—o be a nagana go se dira.

⁶⁵ Gomme nako yeo Morongwa wa Morena a iponagatša go yena ka toro. A o ile wa makala ke ka lebaka la eng A iponagaditše ka toro? Go be go se baporofeta mo matsatšing ao. Toro ya bona e be e le bonolo, e be e sa nyake tlhathollo. A re, “Josefa, wena morwa wa Dafida, se boife go itšeela Maria mosadi wa gago go wena, gobane seo a se imilego ka go yena ke sa Moya wo Mokgethwa.” Le a bona, ka gona, seo se e rarolotše. Le a bona, O tlile go yena ka toro, mokgwa wa kgato ya bobedi. Eupša, le a bona, go be go se na le moporofeta moo go tsebagatša Lentšu leo, gore, “Ye ke kgarebe yeo e tlogo go ima.” Le a bona? Bjale, ka fao, O iponagaditše go yena ka torong, ka gore o be a botegile le go loka le monna wa moloki.

⁶⁶ Gomme ke a dumela Modimo o tla tla go monna yo mongwe le yo mongwe wa moloki, ka tsela ye nngwe, gomme a tsebagatša mediro ya Gagwe go monna yoo wa moloki, go lebaka, ge monna yoo a biditšwe ke Modimo go lebaka leo.

⁶⁷ Bjale, eupša seo se be se se sa tlwaelega, go be go no ba thatana gore ba kwešiše seo. Eupša, ka mehla, go iponagatša go ya ka Lentšu la lebaka, seo ka moka ke go se tlwaelege.

Bjale go na le batho bao ba ka sepelago go dikologa, gomme ba re, “Go lokile, se ga se se tlwaelege, seo ke Modimo. Se ga se sa tlwaelega.”

68 Eupša, le a bona, se swanetše go tsebagatšwa ka Lentšu, gomme Lentšu ke Modimo. Le a bona? Gomme semelo sa boitsebagatšo bjo bo tsebagatša gore ke mang, ka gore Modimo o rile, “se se tla direga,” gomme se a direga. Le a bona? Semelo sa sona ke Lentšu la Modimo le tsebagatšwa ka semelo sa se se diregago.

69 O rile mo matšatšing a bofelo O tla tšhela Moya wo Mokgethwa. O se dirile. Dimelo tša sona di tsebagaditše gore e be e le Modimo, Lentšu la Gagwe le tshepišitše. Le a bona, ka mehla se a itsebiša ka bosona.

70 Bjale, ka mehla, nakong ye nngwe le ye nngwe, e phošolla lentšu, ge Lentšu le boletšwe ka go phošagala. Naa le ile la lemoga? E bile ka matšatšing a Noage, e phošolotše mehla yeo ya boramahla, gore Modimo o tlo tliša meetse go theoga go tšwa magodimong. E bile Moshe, le a bona, yoo a phošolotšego ge ka moka ba be ba iketlile fase kua Egepeta, le go ya pele, eupša Lentšu la Modimo le swanetše go tla go tsebagatšwa. Gomme Therešo ya Lentšu e phošolla phošo.

71 A nke ke le botšišeng se sengwe. Re ka nna ra ya botebo ga nnyane mo. Ga se ke swanele go rera go ruta goba thuto, eupša a nke ke no le botšiša selo setee.

72 Jesu e be e le Lentšu. Re tseba seo. Beibele e boletše gore e be e le seo. Mokgethwa Johane, ya 1 tema, “Mathomong go be go le Lentšu, gomme Lentšu le be le na le Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Yena e sa no ba Lentšu. Ka gona ge A kgona go hlatha dikelello tša bona, ba be ba swanetše go tseba gore seo e be e le Lentšu, gobane Lentšu la Modimo le boletše seo ka seo A tlogo go se dira. O be a le Moporofeta.

73 Bjale hlokomelang, re hwetša gore ge A belegwa, e ka ba bogolo bja mengwaga ye lesomepedi, O rotogetše godimo go monyanya wa mešaša. Gomme ba be ba rotogetše godimo kua go Paseka. Gomme, mo tseleng ya bona go boela morago, ba be ba sepetše leeto la matšatši a mararo gomme ba Mo hlokile; ba eleletša, ba nagana, a ke re, ba akanya gore O be a le ntle magareng ga batho ba gabo bona.

74 Re ka dira thutwana go tšwa go se. Seo go kaakang lehono! Bjale lena Mamethodist, Mabaptist, Mapresbyterian, Maluther, Makatoliki, go ba eng o ka ba go sona, le a bona, le dira selo sela sa go swana. Le akanya gobane Wesley o bile le tsošetšo ye kgolo, Luther o bile le tsošetšo ye kgolo, goba Pentecostal e bile le tsošetšo ye kgolo, le akanya gore O magareng ga batho, mola, dinako tše dingwe Yena a se gona moo.

75 Ba ile go Mo nyaka. Naa ba Mo hweditše kae? Moo ba Mo tlogetšego, ka Jerusalema. Gomme ge ba Mo hweditše, O be a dira eng? Mošemane yo monnyane, bogolo bja mengwaga ye lesomepedi, mohlomongwe ga se nke a tsena sekolo ge e se feela

seo mmagwe A Mo rutilego; gomme šo O be a le ka tempeleng, a ngangišana le baprista bao, mabapi le Lentšu la Modimo. Gomme ba ile ba tlabega ka bohlae bja Ngwana yo. Ka lebaka la eng? O be a le Lentšu. Bjale hlokomelang.

⁷⁶ Gomme bjale ke sa hlompholle lena batho ba Makatoliki le bitšago Maria mmago Modimo, eupša e nong go ntumelela ke le laetše phošo ye nnyane mo. Ge kereke e agilwe godimo ga Maria, hlokomelang seo se diregilego. Bjale o tlile godimo gomme a re, “Oo, Tatago le nna re Go nyakile, ka megokgo.” Hlokomelang setatamente seo, gona o sentše bopaki bja gagwe mong. O rile, “Tatago le nna re Go nyakile, ka megokgo.”

⁷⁷ Hlokomelang Lentšu leo. Yena o be a le Lentšu. O rile, “A ga le tsebe gore Ke swanetše ke be modirong wa Tate wa Ka?” Hlokomelang Lentšu le phošolla phošo. Gona thwi mo pele ga baprista bao, a senya bopaki bja gagwe. O rile o imile ka Moya wo Mokgethwa, gomme mo o re Josefa ke “tate” wa Gagwe. Le a bona Lentšu le e swara thwi ka pela? O be a le Lentšu. Bjale, le a tseba mošemane wa mengwaga ye lesomepedi a ka se dire seo. O be a le Lentšu. O be a le Lentšu leo le boletšwego la nako yeo, bjale ka fao semelo sa go itsebiša sa Modimo se be se le ka go Kriste. O phošolotše phošo. O rile . . .

Ba rile, “Ka baka la eng, re barutiwa ba Moshe.” Le a bona?

⁷⁸ O rile, “Ge nka be le le barutiwa ba Moshe, le be le tla Ntseba. O ngwadile ka Nna. Moshe o rile, ‘Morena Modimo wa lena o tla tsoša Moporofeta wa go swana le nna.’ Nna le be le tlo ntseba ge le ka be le tsebile Moshe.”

⁷⁹ Gomme, le a bona, Lentšu ka mehla le phošolla phošo ya letšatši. Eupša batho ga ba rate go se dumela. Ba no swarelela go ya pele, le ge go no swana.

⁸⁰ Eupša Jesu o phošolotše mme wa Gagwe mong. Gomme mme wa Gagwe o be a le phošong, ka gore o be a šetše a boletše gore yoo e be e le ngwana yo a imilwego ka go yena ka Moya wo Mokgethwa, gomme šo o retologa go retolla bopaki bja gagwe gomme o re Josefa e be e le “tate” wa gagwe, e be e le tate wa—wa Jesu. Bjale ge—ge Josefa . . .

⁸¹ Ge nkabe A be a le morwa wa Josefa, ge nkabe A be a le modirong wa tate wa Gagwe, O be a ka be a le tlase lebenkeleng la mmetli.

⁸² Eupša O be a le mošomong wa Tate wa Gagwe, godimo kua Tempeleng, a kgalemela mekgatlwana yela. Le a bona? O be a le mošomong wa Tate wa Gagwe, a no ba Mošemane wa bogolo bja mengwaga ye lesomepedi. “A ga le tsebe ge Ke swanetše go ba mošomong wa Tate wa Ka?”

⁸³ A le lemogile ge Jesu a be a lekwa ke Sathane? Semelo sa Gagwe moo, ge A be a le mo tekong ya Gagwe, se Mo

tsebagaditše e le Modimo, ka gore O eme le Lentšu. Le a bona? “Go ngwadilwe,” gwa rialo Sathane.

Jesu o rile, “Go ngwadilwe gape,” a eme thwi le Lentšu.

⁸⁴ “Modimo, dinakong tša kgale,” re a bala mo. “Modimo, mehleng ya kgale,” ke dinako tša bogologolo, “mekgwa ya go fapana,” ditsela tše ntši, “o itsebagaditše Mong go baporofeta ba Gagwe ka dipono.” Seo e be e le semelo sa moporofeta, e be e le ge a bolela dilo pele gomme tša diragala. Bjale seo e be e le semelo sa boitsebišo bja gagwe, gore Modimo o na le yena. Ka gona seo se mo fa maloka a go hlatholla Lentšu la letšatši leo, ka gore, “Lentšu la Modimo le tla go baporofeta,” semelo sa moporofeta yoo A mmoletšego pele.

⁸⁵ Beibele e rile, “Ge go na le yo motee, gomme seo a se bolelago sa phethega, gona le mo kweng; eupša, ge se sa phethege, le se mo dumele, le se mmoife, eupša wa Ka. . .ge—ge Lentšu la Ka le se ka go yena. Eupša ge se phethagala, gona Lentšu la Ka le ka go yena.” Seo ke boitsebišo bja gagwe. Seo ke semelo sa moporofeta.

⁸⁶ Bjale, Modimo, mehleng ya kgale, ke ka mokgwa wo A laeditšego dimelo tša boitsebišo bja Gagwe Mong go monna, ka go bolela ka motho yo a biditšwego go ba moporofeta. Bjale, Beibele e bolela seo, “Modimo, mehleng ya kgale, ka mekgwa ya go fapana, o boletše le botate ka baporofeta.”

⁸⁷ Re badile gape, ka kua go wa Bobedi Petro, gore Lentšu la Modimo lohle le ngwadilwe ke bona. “Monna wa kgale, a išwa ke Moya wo Mokgethwa, o ngwadile Beibele.” Ba be ba le baporofeta. Lentšu le tlile go bona gomme ba Le ngwala, ba le ngwala fase, ka tlase ga tšhušumetšo. Sa pele ba be ba le baporofeta bao ba tsebagaditšwego, ka gona ba—ba ngwadile Lentšu Ka tšhušumetšo, gomme ba bile le tlhathollo ya kutullo ye Kgethwa ka gore e be e le Modimo ka go monna.

⁸⁸ Bjale yeo ke tsela A itšweleditšego Mong ka dimelo tša Gagwe tša boitsebišo, dipono tša bona di hlatseditšwe, e le semelo sa Modimo ka go bona, a itira ka Boyena go tsebja go batho.

⁸⁹ Bjale, seo ke tsela e nnoši A bego a le ka go Kriste. Moporofeta e be e no ba thoro ye nnyane. Kriste e be e le botlalo bja Modimo. Gomme Modimo o be a le ka go Kriste, a boelantšha lefase go yena Mong. Gomme dimelo tša Gagwe di Mo tsebagaditše, seo a bego A le sona, go fihla ge A rile, “Ge Ke sa dire mediro ya Tate wa Ka, gona se e dumeleng. Ge Ke se na le semelo sa Tate wa Ka, gona se dumeleng Nna, se dumeleng ditleleime tša Ka. Ge ke se na le semelo sa Tate wa Ka ka go Nna, gona se e dumeleng, le gannyane.”

⁹⁰ Bjale, dimelo tša Gagwe ga di fetoge le neng. Modimo a ka se kgone go fetola semelo sa Gagwe, go feta—go feta ge kwa—kwa kwana e ka se fetoše semelo sa yona, goba se sengwe le se sengwe selo se ka fetoša dimelo tša sona. Ka gore, ge feela e le mo

setlogong sa yona, ke ya setlogo. Gomme ge o fetotše se sengwe le se sengwe, gona o se fetošitše go tloga go setlogo sa sona.

⁹¹ Go no swana le ge o ka tšea ko—ko kolobe, gomme o ka hlapiša kolobe gomme—gomme wa bea pente yeo mo dinaleng tša yona, go etša basadi ge ba dira, gomme wa e hlama le ka setlotšamolomo, gomme wa e apeša roko ye botse. Tlogela kolobe yeo ya kgale e tšwele ntle, e ya thwi kua lerageng, gomme ya pshikologa gape. Ka baka la eng? Ke yona kolobe, ke pheto. Eupša, gomme, eupša, le a tseba, o ka se dire. . .

⁹² Kwana e ka se dire seo. A ka se ke a be a tsena ka lerageng leo. A ka se nyake go ikamantšha le leo. Ke dimelo tša yona. Le a bona? O ka no mo apeša diaparo tša mohuta wa go swana, eupša ka kgonthe a ka se ke, ka kgonthe a ka se ye. Bokantle ga bo tshwenye; ke bokagare. Bjale, Modimo e le mothopo wa bophelo ka moka. . .

⁹³ Le se šitwe go hwetša se. Ke leka, ka ka moka di lego ka go nna, go le dira gore le bone se sengwe. Le a bona? Go le loketše, bagwera. Ke ya go le—lena. Le a bona?

⁹⁴ Ga ka tla mo go no re ke bonwe. Ga ka tla mo, go be go se lefelo le lengwe le nka yago. Ke tla mo ka gore ke ikwetše go tla mo. Ke ikwetše gore bodiredi bjo Morena a mphilego bo tlamega go bonagatšwa magareng ga batho mo, gomme ke leka go dira le bone seo Modimo ka kgonthe a lego bjale. Yena ke Lentšu la Gagwe la tshepišo. Ka mehla ke Yena Lentšu, gomme O itsebagatša Mong ka dimelo tšeo A di tshepišitšego. Semelo se se itšego se tla tšwelela mo nakong ye e itšego, seo se lego ka Lentšung, mme semelo sa motho yo a swanetšego go tšwelela se tsebagatša gore ke yena motho yoo.

⁹⁵ Ke ka lebaka leo Jesu a bego a swanetše go ba Yoo a bilego Yena. Ba be ba swanetše go be ba se bone. Ga go makatše ba be ba le difofu. Selo. . . A re, le ge A dirile mehlolo ye mentši, le fao ga se ba ke ba dumela, ka gore Jesaya o rile, “Ba na le mahlo gomme ga ba kgone go bona, le ditsebe gomme ga ba kgone go kwa.” Le a bona? Lebakeng le lengwe le le lengwe, e sego lebakeng la Gagwe feela; eupša lebakeng le lengwe le le lengwe, ka moo, “Modimo, mehleng ya kgale, mekgwa ye mentši,” le bjale ga se ba ke ba no se hwetša.

⁹⁶ Bjale, dimelo tša Gagwe ga di ke di šitwe. Ka mehla se a swana. Bjale, gopolang, semelo sa Gagwe, semelo sa Modimo, se ka se šitwe. Ge se ka dira, gona Modimo o šitilwe. Gomme Beibele e rile, ka go Bahebere 13:8, gore, “Jesu Kriste o a swana maabane, lehono, le go a ya go ile.” Ka fao, Ke Modimo wa go se fetoge. Semelo sefe kapa sefe seo A bilego sona mathomong, e sa no ba Yena semelo sa go swana. Tsela ye nngwe le ye nngwe yeo A šomilego, nako efe kapa efe yeo A ilego a dira se sengwe, O se dira go swana nako ye nngwe le ye nngwe. Ge A ka se ke, ke gore semelo sa Gagwe se fetogile, le a bona, gomme dimelo tša Gagwe

di tla bonagatša se sengwe seo e bego e se sa Modimo. Le a bona? Ka fao re ka se tsebe moo . . .

⁹⁷ Go swana le Paulo o rile, “Ge phalafala e efa modumo wa go se kwagale, ke mang a ka tsebago go itokišetša ntwā, ge phalafala e efa modumo wa go se kwagale?” Bjale ge phalafala e swanetše go kwagatša “goma,” seo ke se re swanetšego go se dira, go goma. Ge phalafala e ka kwagala “hlaselang,” seo ke se re swanetšego go se dira, go hlasela. Eupša phalafala ke eng? Ke Lentšu la Modimo. Le tsebagatša Modimo, ge eba ke—ge eba ke “eya godimo, dula fase, goma, kgobelang dibetša,” eng kapa eng e lego yona. Ke modumo wa phalafala ya Modimo.

⁹⁸ Gomme modumo wa go se kwagale, ge Beibele e re selo se itšego se swanetše go direga; yo mongwe o re, “Oo, seo ke go tšwa letšatšing le lengwe, seo.” Gona go na le modumo wa go se kwagale fao. Gona ga o tsebe se o ka se dirago.

⁹⁹ Jesu o rile, “Ke na le maatla go bea bophelo bja Ka fase gomme ka buša ka bo tsoša gape.” Ga go modumo wa go se kwagale moo.

¹⁰⁰ Mosadi o rile, “Re a tseba Mesia o etla; gomme ge A tlile, O tla re botša dilo go swana le ge A dirile.”

¹⁰¹ O rile, “Ke nna Yena.” Ga go modumo wa go se kwagale moo. “Ke nna Yena.” Uh-huh! Amene.

Ba rile, “Botatawešu ba ja manna lešokeng.”

¹⁰² O rile, “Bona, yo mongwe le yo mongwe yo motee wa bona, ba hwile.” O rile, “Eupša, Nna ke Borotho bja Bophelo bjo bo tšwago go Modimo go tšwa Legodimong.” Ga go modumo o sa kwagalego. “Ke nna Sehlare sa Bophelo, go tloga tšhemong ya Edene.” Aowa, ga go modumo wa go se kwagale ka seo. Ka kgonthe ga se go. Ga go se se belaetšago ka seo. O be a na le kgonthe ka se sengwe le se sengwe se A se dirilego.

¹⁰³ Beibele ga e fe modumo wa go se kwagale. E tsebagatša semelo sa Modimo ge e kwagatšwa.

¹⁰⁴ Jesu o rile, ka go Mokgethwa Johane 10:37, “Ge Ke sa dire mediro ya Tate wa Ka, ke eng. . . gomme ga Ke na le semelo sela sa Tate wa Ka, gona se dumeleng Nna. Ke yona e tee, E tsebagatša semelo sa Gagwe ka go Nna, dimelo tša Gagwe.”

¹⁰⁵ Ka gore, Tate ke Lentšu, “Mathomong go be go le Lentšu, gomme Lentšu le na le Modimo, gomme Lentšu e be e le Modimo,” gomme semelo sa Modimo se bonagatšwa ka tšhepišo ya Gagwe ya lebaka leo.

¹⁰⁶ Bjale ge nkabe A phetše nakong ya Moshe, e ka be e se ya šoma. Gomme ge Moshe a ka be a phetše mo nakong ya Gagwe, e be e ka se šome. Ge nkabe A phetše nakong ya Noage, e be e ka se šome, goba ge Noage a ka be a phetše nakong ya Gagwe. Noage o be a profeta ka dilo tša letšatši leo, gomme semelo sa gagwe le

seo a se dirilego di mo tsebagaditše le Lentšu la Modimo. Moshe o dirile sa go swana.

107 Gomme mo Jesu o a tla, gomme Lentšu le le tshepišitšwego lebakeng leo le tsebagaditšwe ka Jesu Kriste ka semelo sa Lentšu, leo e lego Modimo. Amene.

108 Go tšhollelwa ntle ga Moya wo Mokgethwa, mo matšatšing a mafelelo, godimo ga batho feela, go tsebagaditše semelo sa Modimo le batho. O se tshepišitše. Ke Lentšu. O rile O tla se dira. Ga go yo a ka se bušetšago morago. O rile O tla se dira.

109 Ka fao dilo ka moka tšeo A di tshepišitšego, ke seo A se dirago. Se tsebagatša semelo sa Gagwe. Ee, mohlomphegi. “O se e dumele, o se dumele ditleleime tša Ka, ge semelo sa Ka e se seo sa Modimo.”

110 Bjale hlokomela mo go Johane 14:12, “Yo a dumelago go Nna,” O rile, “o na le boitsebišo bja Ka, semelo sa Ka. Yo a dumelago go Nna, mediro ye Ke e dirago le yena o tla e dira.” Seo se tsebagatša gore semelo sa Kriste se ka go yena, se bonagatša dimelo tša Gagwe. Amene.

111 Ke ikwa ke le wa bodumedi thwi bjale, ge ke le makgwakgwa. Ee, mohlomphegi. Oo, nna! Le a bona, ga go phošo ka Sona! Bophelo bja Gagwe! “Yo a dumelago go Nna, mediro ye Ke e dirago le yena o tla e dira.” Le a bona, seo se tsebagatša semelo.

112 Selo sa go swana O rile, “Ge semelo sa Ka se sa tsebagatše Nna mong, Modimo ka—ka go Yena, gona (yena) ga a Mo dumele.” Bjale O rile gape gore O tla tsebagatšwa ka go seo. Ka gona, seo, ge se sa Mo tsebagatše, gona Yena ga a seo Yena se bolelago.

113 Gomme, lehono, ge Kriste a sa itsebagatše Mong, semelo sa Kriste se re tsebagatša ka go ba ba Kriste, re dumela Lentšu. . . Jesu o be a le Lentšu, ka fao O ile a swanela go dumela Lentšu. Gomme re ka bolela bjang gore re ba ga Kriste, gomme ra gana Lentšu le le itšego la Beibele yela? Moya wo Mokgethwa wa Kriste ke Modimo ka go lena, gomme O tla feleletša tshepišo efe le efe ka “Amene.” Beibele e rile, “Maswao a a tla latela bao ba dumelago.” Moya wa Modimo o rile, “Amene.” Le a bona?

114 Yo mongwe wa bona ga a re, “Aowa, seo e be e le sa lebaka le lengwe; seo e be e le sa barutiwa feela.”

115 “Eyang ka gare ga lefase ka moka gomme le rere Ebangedi go sebopša se sengwe le se sengwe. Yo, mo gongwe le mo gongwe ka moka lefaseng, a dumelago, maswao a a tla mo latela, selo sa go swana.” “O a swana maabane, lehono, le go ya go go ile,” semelo se tsebagatšwa.

116 Seo se dira Bahebere 1:1, “Modimo wa mehleng ya kgale, a bolela le botate ka baporofeta,” a tsebagatša Kriste, o tsogile lehono, ka semelo sa go swana seo A se dirilego mehleng ya kgale. A o lemogile? Modimo ga a fetoše tsela ya Gagwe.

¹¹⁷ Mo Beibeleng ya kgale, ge molori a lorile toro, gomme go se moporofeta mo nageng go bona ge eba toro ye ke nnete goba aowa, ba be ba na le mokgwa wo mongwe wa go hwetša seo. Ba tšea motho yoo, mang kapa mang a lorilego toro, ba mo iše tlase kua tempeleng. Sephemasefega sa Arone, yoo e bego e le moprista yo mogolo, ba e lekeletša koteng. Gomme molori a anega toro ya gagwe. Go sa tshwenyeye gore e kwagala botse bjang, e kwagala e le kgonthe bjang; ge go be go se na le Seetša sa ka godimo ga tlhago seo se bonagatšago maswika ao, e bego e bitšwa Urim Thummim, (babadi ba Beibele ba a kwešiša); gona, ga ke tshwenyeye gore e kwagala go ba kgonthe bjang, e be e se bjalo. Go se tlwaelege ga Modimo, semelo sa Modimo, e be e swanetše go bonagatša dimelo tša Gagwe mo go ba ka godimo ga tlhago, go laetša gore Yena o itsebagatša Mong mo molaetšeng. Amene.

¹¹⁸ Ke bolela selo sa go swana bošegong bjo. Urim Thummim ya kgale e sepetše, eupša Lentšu e sa le selo sa go tsebagatša semelo sa Modimo, tšhepišo ya iri ye re e phelago. Go na le dimelo tša Modimo di tsebagatšwago ka ditshepišo tša iri ye re phelago go yona.

¹¹⁹ Seo se dira Modimo a swane le ka mo A bego a le ka gona. “Mehlang ya kgale,” lebelela, “ka mekgwa ye mentši, O boletše le botate ka baporofeta.” “Gomme moloa le baporofeta ba gomile ka Johane; go tloga fao, Mmušo wa Magodimo.” Hlokomelang, “Eupša mo letšatšing la mafelelo,” a bolela selo sa go swana A se dirilego nako yeo, “ka Morwa wa Gagwe Kriste Jesu.” “Modimo, mehlang ya kgale, ditsela tše ntši, o boletše le botate ka baporofeta; mo letšatšing la mafelelo,” a dira selo se se swanago, “a bolela le batho (botate) ka Morwa wa Gagwe Kriste Jesu.” O mo tsošitše go tšwa bahung, gomme O phela ka go rena, a itsebagatša Mong le go re botša pele dilo tše di sa tlogo, gore ke Yena mofenyeki wa ditlhaologanya le dikakanyo tša pelo. Jesu Kriste wa go swana maabane, lehono, le go ya go ile! “Modimo, mehlang ya kgale le ka mekgwa ye mentši o boletše le botate ka baporofeta, eupša mo mehlang ye ya bofelo ka Jesu Kriste Morwa wa Gagwe.” Lengwalo le ka se kgotlelwe. Ke tlwa.

¹²⁰ Bjalo ka ge ke boletše pele, Modimo ga a hloke yo mongwe go hlatholla Lentšu le. O hlatholla Lentšu la Gagwe Mong. Ge a bolela e ka ba eng, se a direga, seo ke tlhathollo. Le a bona? Ga a hloke yo mongwe go re, “Go lokile, ke dumela gore se ra se.” Modimo o e tsebagatša ka tlhathollo ya Gagwe Mong, ya Gagwe.

¹²¹ Ge tšhepišo e le ya letšatši leo! Re ka se kgone go phela ka seetšeng sa—sa—sa Luther. Re ka se kgone go phela ka seetšeng sa Wesley. Re ka se kgone go phele ka seetšeng sa yo mongwe wa bao. Re tlamegile go phela ka Seetša seo se tšhepišitšwego sa letšatši le.

¹²² Naa go be go ka reng ge Moshe a ka be a ile tlase kua Egepeta, gomme a re, “Go lokile, re ya go aga areka ye kgolo. Re tla phaphamala go tšwa nageng ye. Nile e tla rotogela godimo?” Ge ba ka be ba hlotše morago ka go sekrolo; go be go se tshepišo ya seo. Yeo ke therešo. Eupša, le a bona, o itsebagaditše mong bjalo ka moporofeta wa Modimo, gobane seo a se boletšago se phethagetše, ka gona ba tsebile o be a na le Lentšu la Morena. Farao o be a na le marumo, eupša Moshe o be a na le Lentšu. Ka fao ge ba fihla lewatleng, marumo ka moka a ya ka tlase ga lewatle; gomme Moshe a tšea Israele a e tshediša lewatle, nageng ye e omilego, ka gore o be a swere Lentšu, gomme o be a le Lentšu la iri yeo. Moshe o be a le Lentšu leo le bonagaditšwego la iri yeo.

Eliya o be a le Lentšu leo le bonagaditšwego la iri yeo.

¹²³ Kriste ke Lentšu leo le bonagaditšwego, le ditshepišo tšeo A di dirilego. “Sebakanyana se sennyane gomme lefase le ka se sa Mpona; eupša lena le tla Mpona, ka gore Ke tla ba le lena, le ka go lena, go fihla bofelong bja lefase. Mediro ye Ke e dirago le lena le tla e dira.” O tshepišitše dilo tše. Ke eng seo? Ke semelo sa Modimo a bonagatša Lentšu la Gagwe, bjalo ka ge A dirile mabakeng ka moka.

¹²⁴ Maleaki 4, O rile, “Pele ga ge letšatši le legolo le le boifišago la Morena le etla, bonang, Ke romela go lena Eliya moporofeta; gomme o tla bušetša tumelo ya bana morago go botate gape, pele letšatši leo le etla.” O se tshepišitše.

¹²⁵ Jesu o rile, ka go Mokgethwa Luka ya 17 tema, “Bjalo ka ge go bile ka matšatšing a Sodoma, ka fao go tla ba bjalo mo go boweng ga Morwa wa motho, ge Morwa wa motho a utollwa.” Ge kutullo e itharolla ka boyona, mo matšatšing a ge lefase le tla be le le bjalo ka Sodoma, e tla ba eng? Semelo sa Lengwalo leo se phethagatšwa. Modimo a itsebagatša Mong ka semelo sa Gagwe, dimelo tšeo ka mehla A bilego tšona. A ka se tlogele seo.

¹²⁶ Matšatšing a mafelelo, O itsebagaditše ka Morwa wa Gagwe. Hlokomelang ka fao Modimo ka mehla a dirago dilo tše mo mo—bjalo A ka- . . . Ga nke A fetoša tsela ya Gagwe.

¹²⁷ Banna ba bararo ba boletšego le Abraham, bjalo ka ge re be re sa bolela mola, ka matšatšing a Sodoma.

¹²⁸ Abraham e be e le monna yo a dumetšego Modimo. O be a tšea Modimo mo tshepišong ya Gagwe. Sarah, mosadi wa gagwe, o be a le bogolo bja mengwaga ye masometsshelatlhano, Abraham a le masomešupatlhano, ge Modimo a mmitša. O rile ba be ba tlile go ba le—le ngwana; Abraham o tla ba le ngwana ka Sarah. E ka no kwagala e le nyefolo, eupša ke eleletša o hweditše ka moka di—diaparwana le diphini, le se sengwe le se sengwe, a itokišitše, ka gobane ba ile go ba le ngwana yo.

¹²⁹ Ka morago ga matšatši a masomepediseswai, ka baka la eng, Abraham a ka be a ile a re go Sarah, “O ikwa bjang, rato?”

“Ga go phapano.”

“Letago go Modimo, re ya go ba le lona, bjang kapa bjang.”

“O tseba bjang?”

“Modimo o boletše bjalo.”

Ngwaga wa feta. “O ikwa bjang, moratiwa?”

“Ga go phapano.”

“Re ya go ba le lona, bjang kapa bjang. Modimo o boletše bjalo.”

Mengwaga ye mehlano ya feta. “O ikwa bjang bjale, moratiwa?”

“Ga go phapano.”

“Re ya go ba le lona, bjang kapa bjang. Modimo o boletše bjalo.”

¹³⁰ E be e le eng? O be a na le tshepišo ya Modimo. O dumetše Modimo, gomme a dira bjalo ka Modimo: a swarelela go Lentšu la tshepišo yona . . .

¹³¹ Mengwaga ye masomepeditlhanō ya feta. Dietana tša bana ke ge di fetogile tše serolwana, eupša o be a sa swareletše go tšona. Bjale o tšofetše, gomme o obamile, gomme o ka go seemo se se šiišago; gomme popelo ya Sarah e swana le ge e hwile, gomme monna ke setudi. Gomme a seemo se ba bego ba le ka go sona!

¹³² “O ikwa bjang, Abraham, tatago ditšhaba?” bagwera ba gagwe ba baitira-badumedi ba tla re go yena.

¹³³ “Go lokile, letago go Modimo, ke ikwa gabotse. Re tlile go ba le lesele leo, bjang kapa bjang.” Ka gore ga se a tekateke go tshepišo ya Modimo ka go se dumele; eupša o be a tioletše, a efa theto go Modimo, gobane o be a kgodilwe moka gore seo Modimo a se boletšego, Modimo o kgona go se dira. Amene. Fao ke semelo sa modumedi.

¹³⁴ E ka ba ke eng ka wena? Le a bona? E ka ba ke eng ka rena, bana ba Abraham? A re itsebagatša le Lentšu la Modimo, bjalo ka tshepišo, gomme semelo sa rena se a re tsebagatša beng, gore kgonthe re a Le dumela? Goba, o no entšela, o taboga go tloga *mo*, le godimo *mo*, le tlase *mo*, gomme o thanka, le go entšela go dikologa, mabapi le Lona? Gona, ga re Bakriste, re no ba tumelo ya maitirišo.

¹³⁵ Eupša, ge ka kgonthe re ema go tshepišo yela, re E goga tlwa mola gomme ra dula le Yona! Abraham o dirile.

¹³⁶ Bjale re hwetša, letšatši le lengwe o bona banna ba bararo ba etla, ba sepela. Beibele e rile mo, “E be e le ka phišong ya letšatši,” e swanetše go ba e be e ka ba e le sekgalela. Banna ba sepelela godimo gomme ba bolela le yena. Re kwešiša gore ba babedi ba bona ba ile tlase Sodoma. Ke a dumela re boletše ka yona bošegong bjo bongwe. Yo motee wa bona a šala le yena.

137 Hlokomela Monna yo a mmiditšego. . . a šetšego le yena, seo Monna a se dirilego. Yo motee a tsebagaditšwe ka semelo sa Gagwe, gore O be a le Elohim.

138 Elohim, lona lentšu la mathomo ka Beibeleng, “Mathomong Modimo. . .” Bjale, yo mongwe le yo mongwe wa lena dirutegi o tseba gore lentšu le *Modimo* moo le ra, ka Sehebere, ke “Elohim,” seo se e ra gore, “Ramaatlakamoka, molekanedikamoka, mobagona ka boyena,” ga a nyake thušo go tšwa go mongwe, ga a nyake tlhathollo ya mang; o dira ya Gagwe Mong. Ke Modimo molekanedikamoka, motlalagohle, motsebatšohle, mokgonatšohle. Ke Modimo.

139 Šoo O be a le gona. Gomme Abraham bjale, mopatriaka yo a bego a swere Lentšu, a lebelela Mokgomana yo. Gomme ge Mokgomana yo a na le magetla a Gagwe a šotologetše tente, O rile, “O kae mosadi wa gago, Sarah?”

O rile, “O ka gare ka tenteng, ka morago ga Gago.”

140 O rile, “Ke ile go go etela go ya ka nako ya bophelo, gomme le tlo ba le lesea le Ke le tšhepišitšego.”

141 Gomme Sarah a sega ka seo. Gomme yo Motee a bego a bolela le yena, o mmoditše seo Sarah ka tenteng a se boletšego, ka morago ga Gagwe.

142 Bjale, ka go Genesi, o tla bala seo. Re hwetša gore nako yeo, Abraham, morago ga ge Monna yo a itsebišitše Mong. . .

143 E be e le eng sona? Bahebere, ya 4 tema, 12 temana, e rile, “Lentšu la Modimo le bogale, maatla a magolo go fetiša tšhoša ya magalemabedi, mofenyeki wa dikgopolo le dikakanyo tša pelo.”

144 O tsebile gore yo ke yena Monna. O tsebile go be go se baporofeta ka mo nageng eupša yena, gomme ka gona Lentšu la Morena le be le tlile go yena. Gomme o be a le moporofeta, gomme šefa Lentšu le tla go moporofeta.

145 Selo sa go swana le go Johane Mokolobetši. Ga se gwa ba le moporofeta lebaka la mengwaga ye makgolonne. Ke elelwa. . .

146 Mohlomongwe mokgalabje Ngaka Davis o dutše mo, bošegong bjo, moreri wa kgale wa Missionary Baptist ya kgale yo a nkolobeditšego ka mo Tumelong. O be a fela a nganga le nna. O rile, “Billy, o sale segotlane. O swanetše o nthetše.”

Nna ke rile, “Go lokile, Ngwanešu Davis, ke theeditše.”

147 O rile, “O a bona, Johane o be a se a kolobetšwa. Ka fao o be a kolobetša, eupša a se a kolobetšwa; ga a gona a bego a na le maswanedi a go mo kolobetša.” Yeo ke thutabomodimo ye botse ya Baptist. “Gomme Jesu šo o a tla, gomme o rile gona. . . Johane o rile, ‘Ke hloka go kolobetšwa ke Wena; goreng Wena o etla go nna?’ Gomme O rile, ‘Lesa go be bjalo.’” O rile, “Gomme ka gona ge a ‘lesitše’ Yena,” o rile, “o a bona, ka gona Jesu a kolobetša Johane. Gomme ge A etšwa meetseng, ya ba gona magodimo a

bulega gomme A bona Modimo ka lebopo la leeba, a theogela tlase le go ya go Yena, o rile, ‘Yo ke Morwa moratwa wa Ka, Yoo Ke thabelago go dula ka gare ga gagwe.’” Eupša, aowa, e se go ganetšana le Ngaka Davis, eupša o be a le pošo.

¹⁴⁸ Le a bona, Johane o be a le moporofeta, gomme Lentšu ka mehla le tla go moporofeta. Ka fao ge Lentšu le dirilwe nama, Le ile la swanela go tla go moporofeta, bjang kapa bjang; gobane, o be a hlatsela Lentšu, gomme sona semelo sa gagwe ruri se mo tsebagaditše seo. Šefa Lentšu le a tla, bjale go diragetše eng? Ka bjako ge a se no sepela go tla sefahlegong sa Jesu, Johane o rile, “Ke na le tlhoko ya gore ke kolobetšwe ke Wena; go reng Wena o etla go nna?”

¹⁴⁹ Jesu o rile, “Lesa go be bjalo, gobane go re swanetše (re loketše) go phetha toko ka moka.” Johane e le moporofeta; Yena e le Lentšu. O be a le Sehlabelo, gomme O be a itokišetša go tsena go bodiredi bja Gagwe bja lefaseng, gomme Sehlabelo se be se swanetše go hlatswiwa pele se ka neelwa. Gomme Johane o Mo kolobeditše, gobane o tsebile. “Lesa seo se be bjalo, gobane go re swanetše go phetha toko ka moka.” Sehlabelo se be se swanetše go hlatswiwa pele se neelwa, gomme ka fao Johane o Mo kolobeditše. Ga se e be Jesu a kolobetšago Johane. Johane o kolobeditše Jesu. “Lesa go be bjalo.”

¹⁵⁰ Hlokomelang, Abraham o be a le mo, gomme o be a na le Lentšu la Morena. Lentšu la Morena le tlile go yena. O be a le moporofeta. Gomme bjale Lentšu šele le a tla. O mmiditše, “Abraham,” e sego *Abram*.

¹⁵¹ Matšatšana pele ga seo, leina la gagwe e be e le Abram—e le Abram, bjale ke Abraham. Mosadi wa gagwe e be e le Sari, bjale ke “Sarah,” e sego S-a-r-r-a; S-a-r-a-h. E sego (A-b-r-a-h-a-m) A-b-r-a-m, eupša A-b-r-a-h-a-m, Abraham.

¹⁵² Gomme Monna yo a itsebiša Mong, ge A rile, “Abraham!” Oo, nna!

Abraham o rile, “Elohim!”

¹⁵³ Fao go na le Lentšu le moporofeta, mmogo, dimelo tša bona di ba tsebagatša mmogo.

¹⁵⁴ Elohim, O rile, “O kae mosadi wa gago, Sarah?”

¹⁵⁵ O rile, “O ka gare ga tente, ka morago ga Gago.” Gomme . . . Bjale mohlolo o dirilwe. Elohim! Abraham o biditše Yena, “molekanelakamoka, Ramaatlakamoka, mokgonatšohle Modimo.”

¹⁵⁶ Jesu o rile, ge A be a le lefaseng, O dirile selo sa go swana seo Elohim a se dirilego. Seo se tsebagaditše semelo sa Gagwe bjalo ka ge e le Modimo.

¹⁵⁷ Gomme O rile, pele, “Mo matšatšing a bofelo, tlwa go tleng ga Morwa motho, ge A utollwa, peoditaba ye e tla direga gape, bjalo ka ge go bile ka Sodoma.” Elohim magareng ga batho ba Gagwe,

Ramaatlakamoka Modimo! Seo ke se Mangwalo a se bolelago. Elohim magareng ga batho!

158 Mengwaga ye masemenne O be a re kolobetša ka Moya wo Mokgethwa, Elohim, Modimo! Gomme kereke . . .

159 Lebelela, Abraham o bone leswao le le letee, pitšo ye nngwe; leswao, pitšo; pitšo, leswao; a letetše morwa yoo wa tshepišo. Eupša leswao la mafelelo a le bonego, go bonagala ga mafelelo, ketelo ya mafelelo ya Modimo pele morwa wa tshepišo a etla lefelong la tiragalo, e bile Elohim a le nameng ya motho. Ya ba gona morwa wa tshepišo a tlogo.

160 Gomme Peu ya Abraham e letetše Morwa wa tshepišo, Jesu Kriste. Gomme ba bone maswao, go tšhologa ga Moya wo Mokgethwa, go bolela ka maleme, phodišo ye Kgethwa, le go ya pele. Eupša ge Morwa motho a utollwa, Elohim o tla bowa morago go Peu ya bogoši ya Abraham le go bontšha sona sa go swana seo A se bontšhitšego letšatši lela, amene, Elohim, bjalo ka ge go bile! Goreng? E tla be e le semelo sa Modimo.

161 Bjale, ge Kriste e be e le Modimo, “Go sebakanyana se sennyane gomme lefase ga le sa Mpona gape; le ge go le bjalo lena le tla Mpona, gobane Ke tla ba le lena, gape le ka go lena, go fihla pheletšong, bofelong. Mediro ye Ke e dirago le tla e dira le lena.”

162 Jesu o boletše seo ka go—go Luka, ya 17 tema. Ka moka go lokile, ge re dumela gomme re bona matšatši a a mafelelo, peotiragalo ye e tla dirwa leswa gape.

163 Ka fao, Bahebere 1:1, “Modimo, mehleng ya kgale ka baporofeta o itsebišitše Mong, mo matšatšing a a mafelelo o tsebagatša tsogo ya Morwa wa Gagwe go tšwa bahung,” ka go fa Kereke semelo sa go swana seo A bilego le sona, a dira Bahebere 13:8 e loke tlwa.

164 Ga go mafofa ao a ka topšago go tšwa go seo. Ao ke mafofa a ntšhu. A dula a tlamagane, ka gore ke nonyana ya selegodimo. [Lefelo la go se be le selo godimo ga theipi—Mor.] . . . ba di fepa ka tšona dijo tša ntšhu.

165 Bjale re lemoga gore, “Ka mehleng ya kgale, mekgwa ye mentši, O boletše le botate ka baporofeta, mo matšatšing a bofelo ka Morwa wa Gagwe Jesu Kriste, ka go Mo tsoša go tšwa bahung.” Gomme šo Yena o tla magareng ga rena, morago ga mengwaga ye dikete tše pedi, Jesu wa go swana, e sego yo motee wa baporofeta; Jesu, haleluya, Morwa wa Modimo yo a tsogilego!

166 Jesu o rile, letšatši le lengwe, O rile, “Moloko wo mobe le wa bootswa o nyaka leswao, gomme ba tla hwetša leswao.” Moloko wo mobe le wa bootswa. Ke neng mo lefase le ilego la ba le lebe kudu, goba bootswa le phapogo, go feta ka fao le lego bjale?

167 “Bjalo ka ge go bile matšatšing a Jona, bjalo ka ge Jona a bile ka maleng a hlapikgolo matšatši le mašego a mararo, ka fao

Morwa motho o tlamega go ba ka pelong ya lefase matšatši le mašego a mararo.”

168 Gona, “moloko wo mobe le bootswa” o be o tla amogela leswao. Leswao la mohuta ofe? Leswao la tsogo. Gomme re na le lona lehono, morago ga mengwaga ye dikete tše pedi, O sa phela. O magareng ga rena, bošegong bjo, wa go swana maabane, lehono, le go ya go ile, a itsebiša ka Boyena ka dimelo tša Modimo, a bonagatša Lentšu mo letšatšing le A tshepišitšego go dira. Amene.

169 Šleo Lentšu. Bjale a le tla dumela leswao, ke selo sa go latela, matšatši a mafelelo, boitsebišo bja Gagwe ka Morwa wa Gagwe? Hlokomelang.

170 Modimo o boletše le Moshe mehleng ya kgale. Mo go Doitoronomio 18:15, o rile, “Morena Modimo wa lena o tla tsoša Moporofeta wa go swana le nna.” Bjale lebelela. Leo ke Lentšu. Leo ke Lentšu. Yoo e be e le Modimo. Yoo e be e se Moshe. Moshe o be a ka tseba bjang seo; e be e le motho? Eupša Modimo, a bolela ka Moshe, o boletše se. A o dumela seo? Ka moka go lokile.

171 Bjale hlokomelang Jesu, bonang ka fao tša Gagwe—tša Gagwe dimelo di tsebagaditšego Lentšu le go ba therešo. Ka kgonthe o dirile. O tsebagaditšwe ka semelo sa seo Moshe a rilego O tla ba.

172 Bontši bja bona, bjalo ka lehono, ba nyaka go bona moetapele yo mongwe yo mogolo. “Oo, yo ke Ngaka Ph. *Semangmang*. O tšwa Yunibesiting ya Hartford. Goba, o tšwa go ye nngwe ya godimo ye kgolo felotsoko bjalo ka yeo.” Seo ga se boitsebišo bja Modimo. Aowa, aowa. Ga go selo mabapi le seo. Lentšu ke seo se tsebagatšago Modimo. Le a bona?

173 Jesu e be e se serutegi, gape O be a se moprista, gape O be a se rabi, go lefase. E be e le lethogošwahla, go lefase.

174 Eupša Modimo o be a hlatsela Lentšu la Gagwe ka Yena, sa Mo dira Imanuele. Seo e bile boitsebišo bja Gagwe. Bjale, mo, Jesu a kopanya tlwa seo Modimo mehleng ya kgale a rilego O tla se dira, ka Moshe, seo A bego a tla se dira.

175 Bjale bona ge A kopana le Petro, bjalo ka ge re e dirile terama bošego bjo bongwe, ge A kopana le Petro gomme a botša Petro seo leina la gagwe e bego e le lona. Leswao le le tsebagaditše ditlleleime tša Gagwe tša Bomesia, go Petro, ka gore Lentšu le rile, “Morena Modimo wa lena o tlo tsoša Moporofeta.”

176 Gomme Petro a tla godimo, e bego e le Simone nako yeo, a tla godimo moo A bego a le gona. Gomme Jesu a mo lebelela, a re, “Leina la gago o Simone, gomme o morwa wa Jona.” Se se tsebagaditše semelo sa Kriste go ba Lentšu lela Moshe a le tshepišitšego. Petro a lemoga gore leswao leo le tsebagatša Jesu bjalo ka Mesia. “Modimo o be a le ka go Kriste,” tlotšo ya

matšatši a mafelelo. Go Nathaniele . . . Gopola, O boditše Simone leina la gagwe.

¹⁷⁷ Bjale, lebelela, go Nathaniele O mmoditše seo a se dirilego. “O be o le ka tlase ga mohlare ge Ke go bona.” Seo se Mo tsebagaditše Mesia.

¹⁷⁸ O rile, “Wena o Morwa wa Modimo. Wena o Kgoši ya Israele.” O be a tsebagaditšwe ka semelo sa Lentšu la tshepišo gore O be a tla ba Mesia. “Morena Modimo wa lena o tla le tsošetša Moporofeta.”

¹⁷⁹ Mosadi yo monnyane sedibeng, O mmoditše seo a bego a le sona, gomme seo se Mo tsebagaditše bjalo ka yo a tshepišitšwego Mesia. Le a bona?

¹⁸⁰ Semelo sa gagwe, dimelo tša Gagwe, e bile Lentšu le tsebagatšwa. E be e le dimelo tša Gagwe di bontšha gore Lentšu e be e le Modimo, bjalo seo e be e le Modimo a tsebagatšwa ka go Kriste. Bjale e lebelele. Ela hloko.

¹⁸¹ Go Petro, O tsebagaditšwe go Petro ka go bitša leina la gagwe. O tsebagaditšwe go Nathaniele ka go mmošša seo a se dirilego. O tsebagaditšwe ke mosadi, ka go mmošša seo a bego a le sona. Seo a . . . *yena* e be e le mang; seo *yena* a se dirilego, le gore *mosadi* o be a le mang. O tsebagaditše semelo sa Gagwe sa Bomesia seo e bego e tlo ba semelo sa Mesia.

¹⁸² Lebelela mosadi yo monnyane a bolela selo sa go swana. “Mohlomphegi, ke a hlaologanya gore Wena o moporofeta. Ga se ra ke ra ba le moporofeta mengwaga ye makgolo. Re bile le bontši bja kereke, bontši bja dikgakgano le diphapano tša dikereke tša leina, eupša ga se nke ra ba le moporofeta mengwaga ye makgolo. Re a tseba gore ge Mesia a etla, se ke seo se tlogo go Mo tsebagatša.”

¹⁸³ O rile, “Ke nna Yena, yo a boletago le wena.” Ga go seo e sego kgontha ka se, “Ke nna Yena.” Seo se Mo tsebagaditše.

¹⁸⁴ Mosadi wa taba ya madi, o Mo tsebile go ba Lentšu. Bjang? Ka seo a se dirilego ge tumelo ya gagwe e Mo kgwathile. O retologile go dikologa gomme a re, “Ke mang a Nkgwathilego?” O tsebile se sengwe se diregile. Seo se tsebagaditše Jesu bjalo ka Mesia.

¹⁸⁵ O e dumetše, gomme a re, “Ge nka kgwatha kobo ya Gagwe, ke tla dirwa gabotse.”

¹⁸⁶ Ka fao ka pela ge a se no kgwatha, A retologa, a re, “Bjale ke mang a Nkgwathilego?” Gomme ka moka ba e phega. Eupša semelo sa Gagwe sa Bomesia . . .

¹⁸⁷ Amene! Ke a tshepa le bona seo, phuthego. Theeletšang, bjale ge re tswalela.

¹⁸⁸ Fao o Mo kgwathile. Fao go be go na le makgolo, mohlomongwe, ba leka go Mo kgwatha. Petro ebile a Mo kgalema, a re, “Go lokile, ka moka ga bona ba a Go kgwatha.”

189 O rile, “Ee, eupša yo mongwe o Nkgwathile go fapana.” Seo ke sona phapano yeo, kgwatho yeo ya tumelo. Le a bona? O rile, “Yo mongwe o Nkgwathile. E be e le kgwatho ya go fapana. Ke fokotše. Maatla a tšwile go Nna. Bokwala bo tlogile go Nna.” Bjale, šo O eme.

190 Bjale, le barutiwa ba Gagwe Mong ba re, ka mantšu a mangwe, “O kwagala—kwagala bjalo ka ge O ka re o motho wa go seleka. Goreng, batho, yo mongwe le yo mongwe o a Go kgwatha.”

191 Lebelela bja Gagwe, lebelela boitsebišo bja Gagwe bjale. A retologa go dikologa, a lebelela go kgabola lešaba. A mo hlaola ntle thwi. Ga se a ke a kgona go ikuta botelele bjo bongwe. A mmošša seemo sa gagwe, gomme a re, “Tumelo ya gagwe e mo fodišitše.”

192 O tsebile, ka se, gore, Bahebere 4:12, “Lentšu le hlatha dikgopolo, a lona maikemišetšo a pelo.” Semelo sa Gagwe se Mo tsebagaditše go ba “Lentšu la Modimo le dirilwe nama gomme le dula magareng ga rena.” Amene.

193 Ke nagana selo sa go swana bošegong bjo se a Mo tsebagatša, Jesu Kriste yo a tsogilego a phela magareng ga rena bošegong bjo, wa go swana maabane, lehono, le go ya go ile. Bjale, bjalo ka ge Bahebere 13:8 e le therešo, semelo sa Gagwe se tla Mo tsebagatša lehono, bjalo ka ge se dirile nako yela, mokgwa wa go swana.

194 Lebelela Kleopa le bona, morago ga tsogo. Jesu o itsebagaditše Mong ka tsela ye A go roba senkgwa, gore O e dirile tlwa ka tsela ye A e dirilego pele A bapolwa. Gomme ba . . . Seo se tsebagaditše semelo sa Gagwe, gobane ke tsela ye A e dirilego.

195 Bjale ge A ka be a le fa bošegong bjo, O be a tla itsebiša Mong bjang? Go no swana le ge A dirile maabane, gobane O a swana lehono, gomme o tla ba go ya go ile. Ke boitsebišo. Bahebere 4, nne- . . . 14 le 15, “O gona bjale. . .” O re, “Ke Mopriska yo Mogolo wa rena yo a ka kgwathwago ke maikutlo a mafokodi a rena.” Ke Mopriska yo Mogolo wa rena bjale thwi. Morago ga tsogo ya Gagwe, morago ga lehu la Gagwe, morago ga poloko ya Gagwe, morago ga tsogo ya Gagwe, morago ga go rotoga ga Gagwe, amene, O sa dutše a swana maabane, lehono, le go ya go ile, Mopriska yo Mogolo yo a ka kgwathwago ke maikutlo a mabofokodi a rena. Amene. Ke yena seo, thwi bjale, go yo mongwe le yo mongwe monna le mosadi fa bao ba tla e dumelago. Ke Mopriska Mogolo wa rena, go swana maabane, lehono, le go ya go ile.

196 O phela ka mehla. O dumela seo? [Phuthegi e re, “Amene.”—Mor.] Dimelo tša Gagwe ka go hlomagana di Mo tsebagatša go swana bjalo ka ge A bile ge A phetše mo lefaseng. O sa phela mo, bošegong bjo, ka sebopego sa Moya wo Mokgethwa.

O sa phela ka mehla. Gomme dimelo tša Gagwe di a Mo latela, feela thwi bjalo ka ge di be di hlwa di dira, ge eba O sa phela.

¹⁹⁷ Ke a leboga, bošego bjo, gore, “Modimo, mehleng ya kgale gomme ka mekgwa ye mentši o boletše le botate ka baporofeta, mo matšatšing a bofelo ka Morwa wa Gagwe Jesu Kriste.”

¹⁹⁸ Nna, ga se ka tseba ke boletše botelele bjoo. Ke lebetše ka yona e swana bjalo. Tshwarelo. Ke tla no . . . Ke tla ema.

A re rapeleng.

¹⁹⁹ Tate wa Legodimong, yo mogolo wa kgaugelo Modimo! Morena, ke—ke . . . mohlomongwe ke bolela kudu. Ke a rapela, Modimo, ge ke dirile, O tla ntshwarela. Eupša, Morena, nka se kgopele tebalelo go seo ke se boletšego. Ke boletše thwi seo O se boletšego Lentšung la Gago mo.

²⁰⁰ Bjale feela lentšu goba a mabedi go tšwa go Wena, Morena, mohlomongwe yo mongwe le yo mongwe mo o tla e bona bošegong bjo. Ba bannyane, batho ba go babja ba tla fodišwa ge ba bona gore O sa le wa rena yo mogolo Moprista yo Mogolo. Ke a rapela, Morena, mo metsotsong e se mekae e latelago, gore O tla dira Molaetša wo go phela gape ka kgonthe. Go seo ke se boletšego ka Lentšu, a semelo sa Gago se Go tsebagatše magareng ga rena, bošegong bjo, gore O a swana maabane, lehono, le go ya go ile, gobane ke mo Leineng la Jesu re e kgopelago. Amene.

²⁰¹ Feela sebakanyana bjale. Re, ke—ke no ba ke šaletše gannyane, eupša a ka moka le ka kgotlelela boteletšana go lekanego go ba le mothalo wa thapelo wo monnyane ye lesometlhano, masomepedi metsotso? Ge le nyaka, emišang seatla sa lena, le re, “Re . . .” Ka moka go lokile, ke a le leboga—leboga. Ke tshepišitše go le ntšha ka seripagare go sennyane. Ke nako yeo bjale; ke metsotso ye masomepedi go ya. Bjale ge le ka no mpha metsotso e ka bago ye lesome, ke tla potlaka thwi.

²⁰² A re boneng, di dirile eng dikarata tša thapelo ba di filego lehono? [Ngwanešu o re, “O.”—Mor.] O? Eng, re thomile kae bošego bjo bongwe, tee, tee? [“Ke nagana e bile tee.”] Ya, uh-huh.

²⁰³ Gomme gona re, bošego bja go feta, re no . . . Moya wo Mokgethwa . . . ke be ke theeditše lehono, gomme ke bušetša seo se bego se bolelwa. A mangwe a ona maina a Sefora, ke ile . . . Moya wo Mokgethwa; e nnoši tselo nka e dirago, go no leta le go bona.

²⁰⁴ Le a bona, dinako tše dingwe ge o bona pono, e swanetše go retollwa le go fetolelwa. E hlatholotšwe. Pono, go swana le ge o—ge o bona nku—nku, seo se ke no ra boya. Le a bona, o swanetše go ba gape le tlhathollo ya yona, le a bona, gomme o retolle pono go dikologa gomme o e hlatholle.

²⁰⁵ Gomme ke lemogile bošego bja go feta, ga—ga ka kgona go bitša maina ao a Sefora, ke ile ka swanela go le peleta.

206 Ka Afrika le go dikologa Mahotentote ale le bahetene, le dilo, O be o tla ba le go peleta ga leina la bona thwi, wa ba botša gore e be e le bomang, wa le peleta thwi ka leleme la bona. Ba, ba be ba tla tseba se e bego e le sona, ka pela ge o le peletile ntle. Eupša, bona, eupša O tseba maleme ka moka. Ke Modimo wa ka Gosafelego.

207 A re thomeng bošegong go tloga go, a re re, masomešupatlhano, go fihla lekgolo, ka go O. Ke O, a ke seo a se boletšego? Ke . . . [Ngwanešu o re, “Ee. O.”] O, O. Ya. Ka moka go lokile. Ke mang a swerego karata ya thapelo masomešupatlhano, a re e bone? Ka go O, karata ya thapelo ya O, masomešupatlhano, emišetša seatla sa gago godimo, e ka ba mang a nago le yona. Di O. Ka moka go lokile. Etna thwi godimo *mo*. Masomešupatlhano, masomeseswai, masomeseswaitlhano, masomesenyane, masomesenyanelhano, lekgolo, etla ka tsela *ye* ge o rata. Ka moka go lokile, ke, dira mothalo thwi godimo gona mo, ka pela, gobane re ka se be le nako. Ke ile go no tshepa gore le tla e dira.

208 Lebelela karata ya gago ya thapelo. Lebelela ya moagelani wa gago karata ya thapelo. Eng. . . Gomme ge yo mongwe a golofetše, ba šuthišetseng thwi godimo ka mothalong wa thapelo. Ka fao ge ba sware O, go no swana le O, masomešupa- . . .

209 Masomešupatlhano go fihla lekgolo, emang mothaladi thwi godimo gona *mo*, ge le rata. Kae kapa kae le lego, mabatong a ka godimo, kae kapa kae gantši, etlang thwi tlase, gomme etlang mothalading ka potlako, ge le rata, go boloka nako.

210 Bjale bohle ba lena mo, bao le se nago karata ya thapelo, a le ka emiša diatla tša lena gomme la re, “Ga ka swara karata ya thapelo, Ngwanešu Branham, eupša ke a dumela?” Emiša diatla tša gago.

211 Bjale elelwang, ke tlile go bolela le lena ka Moprsta yo Mogolo. “Ke Moprsta yo Mogolo yo a ka kgwathwago ke maikutlo a mafokodi a rena.” Ke *Jehovah-Jireh*, “sehlabelo se se filwego sa Morena.” Ke *Jehovah-Rapha*, “Morena yo a fodišago malwetši a lena ka moka.” A le dumela seo? [Phuthego e re, “Amene.”—Mor.] Ke *Jehovah-Manasseh*. *Sešireletšo, kotse, khutšo* ya rena, O sa le yena. Go lokile, ke ba bakae bao ba dumelago gore ka moka maina ao a topollo a Jehofa a be e ra Jesu? [“Amene.”] Kgonthe, O be a swanetše go ba. Ge A—ge A. . . Goreng, ga a arogantšhege, ka fao O be a swanetše go ba ka moka. Gomme ge eba O sa le Jehovah-Jireh, Yena ke Jehovah-Rapha. Ge Yena e sale Jehovah-Jireh. . . Ke Yena *Jehovah-Jireh*, ke “sehlabelo sa go fiwa sa Morena go phološo,” gona ke Yena *Jehovah-Rapha* yo “a fodišago malwetši a rena ka moka.” Amene. Phodišo e ka tla feela ka Modimo.

212 Ka moka go lokile, ge batho ba sa ema mothaladi; ga ke na le nako ya go bona gore ke bomang gomme ke bona eng. Eupša

bjale, ka moka ntle kua ba ba tsebago gore ga ke le tsebe, emišang diatla tša lena, le re, “Ke na le tlhoko ya Modimo. Eupša ga o ntsebe, Ngwanešu Branham, eupša ke na le tlhoko go Modimo. Ke ya go no emiša seatla sa ka.”

²¹³ Bjale ge le ka no iketla metsotso e se mekae, lebelelang, phafogang, homolang. Bjale ga ke re gore, ge ke re, “homolang,” . . . Ge Morena a dira e ka ba eng, le tla nyaka go tumiša Morena; seo ke tumišo. Eupša seo ke se rago, “go no kitima go dikologa, le emelela,” le a tseba, seo ke go hloka tlhomphokgolo. Le a bona? Gomme Moya wo Mokgethwa o dihlong, o dihlong kudu. Le a bona? Sengwenyana sa go swana le seo, o no ntlogela, gomme ke swanetše go no katana nako yeo, gape, le a bona. Eupša ge le ka theeletša!

²¹⁴ A le elelwa tshepišo ya Gagwe ya mathomo? “Dira batho ba go dumele, gomme ka gona o hlokofole, ga se gona se tla emago pele ga thapelo.” Le elelwa seo? [Phuthego e re, “Amene.”—Mor.] Ke therešo. Gomme seo ke . . . ga se nke ke e bone e palelwa le ka mehla, gomme e ka se palelwe. Ke Modimo.

²¹⁵ Bjale re tla potlaka le mothalo wa thapelo, gore re hwetše ba bantši ka mo re ka kgonago go kgabola, ka lebaka la batho. Eupša lena le nago le dikarata tša thapelo gomme le se la bitšwa bošegong bjo, swara karata ya gago, re tlile go go hwetša. Ka moka go lokile.

²¹⁶ Bjale lena ntle kua le se nago dikarata tša thapelo, elelwang. Goba, lena ntle kua, e ka ba le na le dikarata tša thapelo goba aowa, e nong go dumela gore O bjalo ka Bahebera 4 temana no. “Ke Yena Moprasta yo Mogolo yo a ka kgwathwago ke dikwi tša mafokodi a rena.” Bonang ge A dula. Bonang ge Jehofa a ikemetše Mong magareng ga batho ba Gagwe, bjalo ka ge A dirile matšatšing a Sodoma. Ka moka go lokile.

²¹⁷ Ka moka go lokile, mohlomphegi. Bjale a re rapeleng, bjale, bontšhang tlhomphokgolo ruri. Bjale elelwang, lentšu go tšwa go Modimo le feta mang kapa mang a ka bolelago. Bjale, monna yo mo, ga—ga ke mo tsebe. Gomme ke a thank a o . . . O mosetsebje go nna, o bjalo, mohlomphegi? [Ngwanešu o re, “Ee.”—Mor.] O mosetsebje. Re tseba se tee, gore bobedi re tla swanela go ema mo Bogoneng bja Modimo letšatši le lengwe; bjalo ka motho, re swanetše go kopana Kua. Ye ke nako ya rena ya mathomo re kopana.

²¹⁸ Bjale ge eba o tla mo, ge eba o a babja, ga ke tsebe; e ka noba selo se sengwe gape, le a bona. Eupša ge ke—ge ke beile diatla go wena, e re, “Morena a tumišwe! Sepela, o fole.” Seo ka moka se lokile. O ka dumela seo. Eupša go ka reng ge A ka go botša seo se phošagetšego ka wena? Bjale, o a bona, seo se fapane, gona o a tseba seo se tsebagatša semelo sa Gagwe. O a bona, seo e ka se be semelo sa ka. Ke nna motho; nka se tsebe selo ka ga gagwe. Ke no mmotša, “Ga ke go tsebe.” Ga a ntsebe. Eupša seo se ka

dira eng? Seo se tla tsebagatša semelo sa Jesu Kriste go swana maabane, lehono, le go ya go ile. O tseba gore e ka se be nna, e ka se ba nna, gobane ga ke tsebe monna. Ke tla emiša seatla sa ka; *mo* ke Lentšu. Le a bona? Ga ke mo tsebe. Ga a ntsebe. Eupša semelo sa Jesu Kriste . . .

219 Ge Jesu a ka be a eme fa; gomme o a babja. Ge a be a ka re, “Morena Jesu, mphodiše.” A Jesu o be a tla re eng go yena? “Ke šetše ke e dirile.” A ka nnete? [Phuthego e re, “Amene.”—Mor.]

220 “O ntšhitšwe dintho bakeng sa dikarogo tša rena; ka megogoma ya Gagwe re fodišitšwe.” Topollo ka moka yeo re ka bago le yona e lefetšwe kua Khalibari. Go tloga fao go ya pele, ke tumelo, go dumela mošomo o phethylwego. A ke nnete? [Phuthego e re, “Amene.”—Mor.] Ka moka go lokile.

221 Bjale, bjale ge Jesu a phela, gomme ke boletše ka Lentšu la Gagwe . . . Šefao ge, morago go bonolo bjola le tumelo, go dumela Lentšu la Gagwe. Ge A kopane le nna bošego bjola, O rile, “O tla fihla moo o tlogo go tseba le diphiri tša pelo tša bona. Ba ka se dumele leswao lela la mathomo la seatla, ba tla swanela go dumela le le tee le. Le a bona? Ga ba dire seo, gona madi a rogaka lefase.”

222 Go no swana le ge a dirile ka nakong ya Moshe. O rile, “Ge ba sa dumele maswao a mabedi, gona tšhela madi godimo ga lefase. Le a bona, tšhela meetse godimo ga lefase, a tla ba madi.”

223 Bjale go no hwetša ntle. Ge nka no bona seo bothata bja gago e lego bjona, seo se tla kgotsofatša le go go dira o dumele, a se ka se ke? [Ngwanešu o re, “Kgonthe.”—Mor.] O a tseba e swanetše e be semelo sa Motho yo ke bolelago ka yena, Jesu Kriste.

224 Monna, bjalo ka ge ke no mo lebelela, o a katakata. O khupeditšwe ka morithi. Ga go selo se sehlare se ka thušago monna le neng. O mo seemong sa go hwa. Seo ke nnete. O bile le opareišene, gomme opareišene ya prostaita. Gomme ke kankere, gomme kankere e phatlaletše ka moka go wena. Ge seo e le nnete, emišetša seatla sa gago godimo. Ke Modimo a nnoši a ka mo fodišago. [Ngwanešu o re, “Haleluya! Haleluya! Haleluya!”—Mor.] Eupša, lebelela, ke nyaka go bolela se sengwe go wena, mohlomphegi. Letimone leo le ka no ba le iphiletše thipa ya ngaka, eupša le ka se iphilele Modimo. A o dumela seo? A o a se dumela? [“Oo! Oo!”] Gona ke a rapela, gore, mo Leineng la Jesu Kriste, a selo se mo tlogela, a monna a phele. Ga go selo; ke no fela maatla. Ka moka go lokile.

225 Wena le nna re basetsebane go yo mongwe le go yo mongwe wa rena, monna le mosadi ba a kopana. Bjale, bjalo ka monna, ga ke go tsebe. Gomme mohlomongwe, bjalo ka mosadi, ga o ntsebe; go se bontši go feta ge o nno bona leina la ka, goba senepe, goba se sengwe go swana le seo. Eupša ga re tsebane yo motee go yo mongwe. Tseo ke dimelo tša rena. Ga re tsebelane semelo sa yo motee go yo mongwe. Eupša semelo sa Kriste, Yena ke

Lentšu, gomme Lentšu le tshepišeditšwe letšatši le. O nkwele ke bolela ka lona. Gona dimelo tša Gagwe di tla Mo tsebagatša fa. E sego nna ke Mo tsebagatša. Ga ke go tsebe. O a hlaologanya. Ya rena—ya rena phuthego e hlaologanya seo? [Phuthego e re, “Amen.”—Mor.] Le a bona? Ke nna—ke nna motho. Ke no ba ngwanabo lena.

226 Go swana le mosadi sedibeng, a bolela se sengwe sa phošo, se sengwe se phošagetše ka wena, goba seo o se nyakago, goba seo o se tletšego mo. A Modimo e be moahlodi wa seo. O babja ka seemo sa anemia. Seo ke nnete, a ga se sona? [Kgaetšedi o re, “Ee.”—Mor.]

227 Ke—ke itia seo kgafetšakgafetša, yo mongwe o nagana gore ke se thankile. Ga ke thanke seo. Aowa. Ga tee mo nakong, ke kwa seo, yo mongwe. Le ka se ute megopolo ya lena bjale. Bjale go na le mabapi le, ke a tseba, bakweri ba mmapaale ba babedi ba dutše mo. Le a bona? Ka fao bjale elelwang nka bitša leina la gago, gape, Modimo a ka kgona, bjale tlogelang go nagana seo. A nke ke le bontšheng.

228 Lebelela mo, mohumagadi. Ntebelele. Ga ke tsebe se A go boditšego sona, eupša ke—ke tseba seo A lego sona. Gomme seo ke semelo sa Gagwe se tsebagatšwa. Ee, ke seemo sa anemia, madi, meetse.

229 Bjale, fa, fa go se sengwe. Bona ge eba ba nagana gore se ke go thanka. O na le ngwana yo o mo rapelelago, a lego fa. [Kgaetšedi o re, “Ee.”—Mor.] Seo ke nnete. Le na le ka mogolong wa lona, [“Ya.”], dithonsele, diatenoite. O ya go dirwa opareišene. A seo ga se nnete? [“Ee.”] Tšea sakatuku seo gomme o se beye go lona, gomme o dumele. [“Ee.”] O se dikadike. Le ka se hloke go dirwa opareišene. Bjale dumela ka pelo ya gago ka moka.

230 Go sepela bjang? Selo ke, go mosadi yo mo, gore o tšhogile ka se sengwe. O boifa gore leswao la tswalo le fetogetše go kankere. [Kgaetšedi o a lla, “Oo!”—Mor.] Bjale sepela, o dumele, gomme e ka se be ka tsela yeo. E no sepela, o dumele ka pelo ya gago ka moka. Dimelo, e sego tša ka; tša Gagwe!

231 A le a dumela bjale? [Phuthego e re, “Amen.”—Mor.] Seo se tla dira yo mongwe le yo mongwe a dumele. [“Amen!”]

232 Bjale, ga ke go tsebe. Ke mosetsebje go wena. Modimo o a go tseba. A o dumela seo? O a tseba gore ga ke go tsebe, gomme o a tseba ga o ntsebe, ka fao a o dumela gore Moya wo woo o bolelago e ka se be moya wa ka? Ka gobane, nna, bjalo ka monna, ga ke go tsebe. Eupša semelo sa Lentšu leo le tshepišitšwego ke Lentšu la bogale go feta tšhoša ya magalemabedi, gomme le hlatha menagano le maikemišetšo a pelo.

233 O babja kudu. O bile le mathata a sesadi, e bilego popelo, gomme popelo yeo e bile le kankere. Gomme o sepetše le go tšea kalafi ya mohuta wo mongwe, e be e le kalafi ya radiamo, gomme selo se tee e se dirilego ke go e phatlalatša ka moka ka go wena.

Gomme o tla—o tla hwa ge Modimo a ka se go fodiše. Seo ke therešo. A o a dumela bjale A ka go fodiša? [Kgaetšedi o re, “Ee.”—Mor.] A Modimo wa Legodimo a kgaleme diabololo yoo a iphihletšego ngaka. [“Oo!”] A ka no ba a iphihletše radiamo, eupša e sego go Moya wo Mokgethwa. Sepela, dumela Yena, bjale, kgaetšedi. O se dikadike le gannyane, eupša dumela. [“O Modimo, mphodiše!”]

234 A o dumela gore Modimo a ka go fodiša seemo seo sa asema, gomme a go dira o phelege? [Ngwanešu o re, “Ee.”—Mor.] O a e dumela? Gona e ya tseleng ya gago, o hlalala, o re, “Ke leboga Wena, Morena. Ke a dumela asema ya ka e phethylwe.”

235 Go sepela bjang? O tšhogile. Ke nako ye telele o tšhogile. Ka kua, e hlotše alesa ya tšhila ya dijo go tla ka mogodung wa gago, e dirago wa—wa gago mogodu o be le mathata. Gomme o nyaka . . . O nyaka go ja dilalelo tša gago? A o ka dira se ke go botšago gore se dire? Sepela, eja, Leineng la Morena Jesu.

236 A o dumela ka pelo ya gago ka moka? [Kgaetšedi o re, “Ke a dira.”—Mor.] O mohumagatšana yo moswa yo maatla yo mokaone, o bonala go ba bjalo. A o a ntumela go ba mohlanka wa Gagwe? [“Amene.”] A o a dumela gore semelo sa Gagwe se ka kgona go ba mo, le sona, Lentšu, ka Bolona, le tshepišo ya letšatši le, “Mediro ye Ke e dirago le tla e dira le lena”? [“Amene.”] Nka se kgone go fodiše. O šetše A dirile seo; eupša semelo sa Gagwe se bonagatša Yena, se ka bolela seo e lego phošo ka wena. O na le bothata bja sehumagadi, bothata bja sesadi. [“Ee, mohlomphegi.”] A o a dumela gore Modimo o a bo fodiša bjale? [“Ee. Amene.”] Itshepelele ka tsela ya gago, bo ka se sa go tshwentše gape. Dumela ka pelo ya gago ka moka.

237 A o ntumela go ba mohlanka wa Gagwe? [Kgaetšedi o re, “Ee, mohlomphegi.”—Mor.] Ge Modimo a ka mpotša bothata bja gago ke eng, a o tla dumela gona ke semelo sa Jesu Kriste? Ke ka mokokotlong wa gago. Ga e sa le gona le neng. Sepela, dumela ka pelo ya gago ka moka. Dumela.

238 Etna, mohumagadi. Le wena o na le bothata bja mogodu. Dumela ka pelo ya gago ka moka, gomme sepele o ye o je dilalelo tša gago. Lebala ka seo. Jesu Kriste o a go dira o be gabotse.

239 Etna. Bothata bja gago ke madi a gago. O na le bolwetši bja swikiri. A o a dumela gore Modimo o tla go dira gabotse gomme a go fodiša go seo? Itshepelele ka tsela ya gago, gomme o re, “Ke a Go leboga, Morena Jesu,” e go dira o be gabotse. Sepela, dumela ka pelo ya gago ka moka.

240 Etna. Mokokotlo wa gago, a o a dumela gore Modimo o tla fodiša mokokotlo wa gago gomme a go dira gabotse? Itshepelele ka tsela ya gago, gomme o hlalale, gomme o re, “Ke a Go leboga, Morena Jesu.”

241 Le wena o bile le se sengwe sa phošo ka mokokotlo wa gago. E no tšwelapele o sepela, o re, “Ke leboga Wena, Morena. Ke fodišitšwe.” E dumele ka pelo ya gago ka moka.

242 Le wena o bile le bothata bja mokokotlo. A o tseba eng mabapi le seo? Dumela ka pelo ya gago ka moka bjale, gomme o itshepelele ka tsela ya gago gomme o dirwe gabotse. Dumela Jesu Kriste o go dira gabotse. “Ge o ka kgona go dumela, dilo ka moka di a kgonagala.” Ka moka go lokile.

243 Go ka reng ge nka se re selo go wena; ka no feta kgauswi gomme ke beile diatla godimo ga gagwe, a o dumela gomme o be a tlo dirwa gabotse? Ba bona seo e lego phošo. A o dumela gore o tla dira? E tla mo. Ke ganetša diabololo yo, Leineng la Jesu Kriste. A maatla a Modimo a fodiše ngwana yo. Amene. O se dikadike, o se dikadike le gannyane, gomme o tla dirwa gabotse. Dumela ka pelo ya gago ka moka.

244 Ge Modimo a sa go fodiše, o tla ba godimo ga diphata letšatši tsoke, ka atheraetisi. Eupša o dumela gore Modimo o fodiša atheraetisi ya gago? Gona sepela, o re, “Ke leboga Wena, Morena. Ke tla dumela Wena, gomme Wena o ntira gabotse.” Ka moka go lokile.

245 E tla bjale. Ka kgonthe ke mengwaga ya gago. O tšhogile ka kgonthe. O tšhoga ka kgonthe, morago ga manthapama. Ge o šoma le dilo ka moka, o tšhogile ka kgonthe. O a dumela bjale? Le ka se sa go tshwenya le neng gona. Itshepelele ka tsela ya gago, o re, “Ke leboga Wena, Morena Jesu.”

246 E tla, mohlomphegi. A o a dumela gore Modimo o fodiša mathata a pelo? [Ngwanešu o re, “Ee.”—Mor.] A dira pelo ya gago gabotse? E no tšwelapele o sepela, o re, “Ke leboga Wena, Morena. Ke dumela ka pelo ya ka ka moka.”

247 Modimo o fodiša TB, le go dira gabotse, gape. A o dumela seo, mohlomphegi, ka pelo ya gago ka moka? [Ngwanešu o re, “Ke a e dumela.”—Mor.] Ka moka go lokile. Itshepelele ka tsela ya gago gomme o hlalale, o re, “Ke leboga Wena, Morena Jesu.”

248 Go reng ka wena ntle kua, a o a dumela? Go bjang ka batheeletši? Ba bangwe ba lena go batheeletši bjale le a dumela.

249 Monna yo a dutšego thwi mo, ka bolwetši bja mogolo, a o dumela gore Modimo a ka kgona go fodiša bothata bja megolo? Ka moka go lokile, o ka kgona go hwetša se o se kgopetšego, gona. Amene.

250 Kgatelelo ya madi a magolo, o dutše thwi morago ga gagwe mola. A o a dumela gore Modimo o tla fodiša madi a magolo? E go tlogetše, mohlomphegi. Ga ke mo tsebe, ga se nke ka mmona ka bophelong bja ka.

251 O re, mohlomphegi, a o a dumela gore meroromelo mo digobeng tša gago, meroromelo ya digoba ya letšhogo, a o dumela

gore Modimo o tla e dira e be gabotse? O a dira? Phagamišetša seatla sa gago godimo ge o dumela. Ka moka go lokile.

²⁵² Mosadi wa gago o dutše fale, o tshwenyega ka bothata bja disaenase. A o a dumela bo a go tlogela, le wena, kgaetšedi?

²⁵³ Mohumagadi a dutšego thwi morago ga rena fale, o na le neuritis. A o a dumela gore Modimo o fodiša neuritis, mohumagadi?

²⁵⁴ Mohumagadi šo ka paiki ye nnyane, o apere paiki ye khubedu, mo. O dutše mola. O na le bothata bja disaenase, le yena. A o dumela gore Modimo o tla fodiša bothata bja disaenase tša gago? Phagamišetša seatla sa gago, ge o e dumela.

²⁵⁵ Yo mongwe ka mo yo a dumelago gore dimelo tša Jesu Kriste di magareng ga rena, bošegong bjo, phagamišetša seatla sa gago godimo, o re, “Ke a se dumela.” [Phuthego e a hlalala gomme e re, “Ke a se dumela!”—Mor.]

²⁵⁶ Ka moka ba le lego ka gare ka fa, ba tla Mo amogela bjalo ka mofodiši wa lena, emeelang ka maoto a lena, gomme le re, “Ke a e dumela.” Phagamelang godimo. Emeelang godimo, go tloga ditulong tša lena, e ka ba eng goba eng. Jesu Kriste o a swana maabane, lehono, le go ya go ile. Ke Mo neela go lena, mo Leineng la Morena Modimo.



MODIMO A ITSEBIŠA YENA MONG KA DIMELO TŠA GAGWE NST64-0320
(God Identifying Himself By His Characteristics)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano manthapama, Matšhe 20, 1964, ka Denham Springs High School ka Denham Springs, Louisiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org